



Rialtas na hÉireann
Government of Ireland



Cómhainithe ag an
Aontas Eorpach
Co-funded by the
European Union



Ciste Slándála Innmheánaí An Clár Náisiúnta, 2021-2027

Glaó ar Thograí, 2026

Faisnéis agus Treoir d'Iarratasóirí

Arna Eisiúint ag an Stiúrthóireacht Airgeadais, An Garda Síochána

Clár Ábhair

Clár Ábhair

1.	Forbhreathnú ar an nGlaó ar Thograí	3
1.1	Réamhrá	3
1.2	Cúlra	4
1.3	Sonraí an iarratais	5
1.4	Iarratais	7
1.5	Cuspóirí an Ghlaó	7
1.6	Caiteachas incháilithe	8
1.7	Critéir roghnúcháin tionscadail	8
1.8	Fógra faoin toradh	10
1.9	COMHAONTÚ DEONTAIS	10
1.10	IARRATAIS A AIGHNIÚ	12
1.11	Cosaint sonraí	12
1.12	Saoráil Faisnéise	12
2.	Treoir maidir le hiarratas a dhéanamh	12
2.1	Ceisteanna réamhchéime	12
2.2	Cuid A: Riarachán	13
2.3	Cuid B: Cur i láthair an togra maoinithe	13
2.3.1	Cuid B1: Cur síos ar an tionscadal	13
2.3.2	Cuid B2: Cuspóirí agus aidhmeanna beartais sonracha a shainithint	13
2.3.3	Cuid B3: Táscairí feidhmíochta tionscadail	15
2.3.4	Cuid B4: Buiséad agus costáil	17
3.	Incháilitheacht chaiteachais	19
4.	Córais agus taifid	20
5.	Ceanglais faireacháin, fíoraithe agus tuairiscithe tionscadail	22
5.1	Monatóireacht Tionscadail	22
5.2	Tuarascálacha Coiteanna um Fhaireachán agus Meastóireacht	22
5.3	Fíoruithe Bhainistíochta	22
5.3.1	Fíoruithe/rialuithe Riaracháin Deiscebhunaithe	22
5.3.2	Fíoruithe ar an láthair	22
6.	Aguisín I	24

1. Forbhreathnú ar an nGlaio ar Thograí

1.1 Réamhrá

Is í Stiúrthóireacht Airgeadais an Gharda Síochána Údarás Bainistíochta an Chiste Slándála Inmheánaí (“CSI”) don tréimhse clársceidealaithe 2021-2027 agus tá Glaio ar Thograí á eisiúint aici do thionscadail atá oiriúnach le haghaidh maoinithe.

Tá maoiniú ar fáil do ghníomhartha a dhíríonn ar cheann amháin nó níos mó de na Cuspóirí Sonracha a leagtar amach in Airteagal 3 de Rialachán an CSI¹. Tá trí Chuspóir Shonracha an CSI mionsonraithe thíos:

Cuspóir Sonrach 1

*A ‘**Malartú faisnéise** idir údaráis inniúla agus laistigh díobh agus comhlachtaí, oifigí agus gníomhaireachtaí iomchuí den Aontas a fheabhsú agus a éascú, agus, nuair is iomchuí, le tríú tíortha agus le heagraíochtaí idirnáisiúnta.’*

Cuspóir Sonrach 2

*‘An **comhoibriú trasteorann** a fheabhsú agus a dhianú, lena n-áirítear oibríochtaí comhpháirteacha, idir údaráis inniúla i ndáil le **sceimhlitheoireacht agus coireacht thromchúiseach agus eagraithe** a bhfuil gné thrasteorann ag baint léi.’*

Cuspóir Sonrach 3

*‘Tacú le neartú chumais na mBallstát i ndáil le **coireacht, sceimhlitheoireacht agus radacú a chosc agus a chomhrac**, chomh maith le bainistiú a dhéanamh ar theagmhais, rioscaí agus géarchéimeanna a bhaineann le slándáil, lena n-áirítear trí chomhar méadaithe idir údaráis phoiblí, comhlachtaí, oifigí nó gníomhaireachtaí iomchuí de chuid an Aontais, an tsochaí shibhialta agus comhpháirtithe príobháideacha i mBallstáit éagsúla.’*

Beidh ar iarratasóirí a léiriú ar a n-iarratais cad é/iad na cuspóirí sonracha a rachfar i ngleic leo leis an togra a bhfuil siad ag déanamh iarratais ar mhaoiniú ina leith.

Tá cúig chuid sa cháipéis faisnéise agus treorach seo:

Cuid 1 – Faisnéis ghinearálta faoin nglao ar thogra

Cuid 2 – Treoir mhionsonraithe maidir le conas iarratas a dhéanamh ar mhaoiniú

Cuid 3 – Incháilitheacht caiteachais

Cuid 4 – Córais agus taifid nach mór iad a bheith i bhfeidhm agus á gcothabháil

Cuid 5 – Ceanglais maidir le monatóireacht, fíorú agus tuairisciú tionscadail.

Tá an Fhoirm Iarratais ag gabháil leis an doiciméad faisnéise agus treorach seo.

Ba chóir d’iarratasóirí ionchasacha an doiciméadacht go léir a bhaineann leis an nglao seo a léamh go cúramach sula ndéanann siad iarratas ar mhaoiniú.

¹ [Rialachán \(AE\) Uimh. 2021/1149.](#)

Ba chóir d'iarratasóirí a thabhairt faoi deara go bhféadfadh aon ráitis mhíthreoracha nó faisnéis bhréagach a chuirtear isteach le linn an phróisis iarratais an t-iarratas a dhéanamh neamhbhailí, beag beann ar céard is cúis leis.

Beidh ar gach eagraíocht rathúil Comhaontú Deontais a shíniú leis an Údarás Bainistíochta ina leagfar amach téarmaí agus coinníollacha an deontais. Ní bheidh caiteachas arna thabú sula síneofar an comhaontú deontais incháilithe le haghaidh aisíocaíochta.

Faoi alt 42 den Acht fá Choimisiún na hÉireann um Chearta an Duine agus Comhionannas, 2014, tá dualgas dlíthiúil dearfach ar an nGarda Síochána aird a thabhairt ar an ngá atá le hidirdhealú a dhíchur, comhionannas a chur chun cinn agus cearta daonna na foirne agus na ndaoine a bhaineann leas as na seirbhísí a chuirtear ar fáil a chosaint. De réir an dualgais seo, éilíonn an Garda Síochána go dtabharfaidh an Deontasóir, agus an tionscadal atá faoi réir an Chomhaontaithe Deontais á chur i gcrích aige, aird don ghá atá ann deireadh a chur le hidirdhealú, comhionannas a chur chun cinn agus cearta daonna na foirne agus na ndaoine a gcuirtear seirbhísí ar fáil dóibh a chosaint. Léireofar an ceanglas seo i gcoinníoll den Chomhaontú Deontais.

1.2 Cúlra

Is é cuspóir foriomlán an Chiste Slándála Inmheánaí cur le hardleibhéil slándála ar fud an Aontais Eorpaigh, go háirithe trí sceimhlitheoireacht, radacú, coireacht thromchúiseach agus eagraithe agus cibearchoireacht a chosc agus a chomhrac, trí chúnamh a thabhairt d'íospartaigh coireachta agus iad a chosaint, agus trí ullmhú le haghaidh teagmhas, rioscaí agus géarchéimeanna a bhaineann le slándáil, cosaint a thabhairt ina gcoinne agus iad a bhainistiú go héifeachtach. Tá trí Chuspóir Shonracha ag an CSI mar a leagtar amach thuas.

D'fhormheas an Coimisiún Eorpach Clár Náisiúnta CSI na hÉireann, 2021-2027² ar an 28 Samhain 2022.

Baineann an Glao seo leis na Cuspóirí Sonracha uile.

Tá Stiúrthóireacht Airgeadais an Gharda Síochána ainmnithe mar Údarás Bainistíochta na hÉireann don CSI. Úsáidfear an maoiniú atá ar fáil d'Éirinn faoin CSI thar shaolré an Chlár Náisiúnta chun tacú le gníomhartha a chabhróidh leis na Cuspóirí Sonracha a leagtar amach in Airteagal 3 de Rialachán CSI a bhaint amach¹.

Beidh ar an eagraíocht is iarratasóir an 25% nó 10% atá fágtha den chómhaoiniú is gá don tionscadal a fháil, bíodh sé sin óna hacmhainní féin nó ó thríú páirtí. Ní mór na socruithe chun an comhhaoiniú seo a fhoinsiú a dheimhniú ag céim an iarratais. Ní féidir comhhaoiniú a fháil ó aon Chiste eile de chuid an AE.

² Tá an leagan reatha den Chlár Náisiúnta ar fáil lena fheiceáil ag an seoladh seo a leanas: <https://www.garda.ie/garda/en/about-us/our-departments/finance-services/internal-security-fund-isf-2021-2027-national-programming-period.html>

1.3 Sonraí an iarratais

<p>Comhghaoiniú</p>	<p>Déanfaidh an tAontas Eorpach comhghaoiniú ar thionscadail roghnaithe ar bhonn 75% nó 90% faoin CSI (tríd an Stiúrtóireacht Airgeadais, An Garda Síochána), agus 25% nó 10% trí shocrú maoinithe a chuirfidh an t-iarratasóir in áit sula ndéanfar an t-iarratas (<i>féach alt 2.3.4 le haghaidh critéir incháilitheachta le haghaidh maoiniú 90%</i>).</p> <p>Ceanglaítear ar gach iarratasóir fianaise ar an socrú maoinithe seo a chur ar fáil mar chuid dá n-iarratas.</p> <p><u>Ní féidir an 10% / 25% eile a fháil ó aon Chiste AE eile.</u></p>
<p>Modh Maoinithe</p>	<p>Faoi réir infhaighteacht cistí, beidh maoiniú CSI i bhfoirm deontais a eiseofar faoi réir théarmaí an Chomhaontaithe Deontais agus na gcoinníollacha leanúnacha.</p>
<p>Tréimhse na dTionscadal</p>	<p>Ní mór do na tionscadail a thosú roimh an 31 Nollaig 2027 agus ba chóir go gcríochnódh siad tráth nach déanaí ná an 31 Nollaig 2029.</p> <p>Forchoimeádan an tÚdarás Bainistíochta an ceart an uastréimhse ama a athrú i gcúinsí eisceachtúla faoi réir reachtaíocht an AE.</p>
<p>Raon Feidhme Geografach</p>	<p>Ba chóir gach idirghabháil a dhíriú ar ghníomhaíocht sa Stát. Agus na tionscadail a gheobhaidh maoiniú á roghnú, cuirfear san áireamh an inmhianaitheacht atá ann scaipeadh geografach na ngníomhaíochtaí.</p>
<p>Spriodhataí Iarratais</p>	<p>Iarratas – spriodhata – Féach an glao mar a fhoilsíodh é.</p>
<p>Roghnú Tionscadal</p>	<p>Déanfar gach iarratas bailí a scóráil i gcomhréir leis an gcóras scórála atá leagtha amach i gCuid 1.7 den doiciméad seo.</p>
<p>Incháilitheacht Gníomhaíochtaí</p>	<p>– Maidir leis na tograí, is gá nach mbeidh iontu ach amháin gníomhartha atá incháilithe le haghaidh maoinithe faoi Chlár Náisiúnta CSI na hÉireann.</p> <p>Ba cheart do gach gníomh aghaidh a thabhairt ar cheann amháin nó níos mó de na Cuspóirí Sonracha a leagtar amach i gCuid 1.1 den doiciméad seo.</p> <p>Tá samplaí de na cineálacha gníomhartha a d'fhéadfar a mhaoiniú san áireamh sa Chlár Náisiúnta². Féadfar gníomhartha nach bhfuil sonrath sa Chlár Náisiúnta² fós a bheith incháilithe le haghaidh maoinithe ar choinníoll go bhfreastalaíonn siad ar Chuspóir Shonrach amháin nó níos mó.</p>

	<p>Ba cheart go mbeadh gníomhartha sonracha agus, nuair is ábhartha, ba cheart go mbeadh siad ina gcomhlánú ar ghníomhaíochtaí a mhaoinítear faoi Chistí eile de chuid an Aontais Eorpaigh.</p> <p>Ní mór gur gníomhaíocht neamhbhrabúis na gníomhaíochtaí uile.</p>
Iarratais	<p>Ní mór d'iarratasóirí a bheith bunaithe go dleathach tráth a shínítear Comhaontú Deontais agus ní mór dóibh a bheith in ann Comhaontú Deontais atá ceangailteach ó thaobh an dlí de a dhéanamh, i gcás go gceadaítear amhlaidh lena n-iarratas.</p> <p>Más rud é go bhfuil níos mó ná eagraíocht amháin ag déanamh iarratais ar mhaoiniú, ní mór eagraíocht amháin a ainmniú mar an Príomh-Iarratasóir. Má éiríonn leis an iarratasóir, síneoidh an Príomhiarratasóir an Comhaontú Deontais agus beidh sé de dhliteanas a chinntiú go gcomhlíonfaidh siad féin agus na comhpháirtithe seachadta uile a théarmaí agus a choinníollacha.</p> <p>Tá sé inghlactha d'eagraíocht níos mó ná iarratas amháin a dhéanamh faoin nglao seo. Mar sin féin, sna himthosca sin, ní mór na tionscadail atá beartaithe a bheith leithlithe agus idirdhealaithe go soiléir.</p>
Soláthar	<p>Ní mór gach soláthar a dhéanamh i gcomhréir le Treoirlínte Soláthair Phoiblí na hOifige um Sholáthar Rialtais agus le dlí an AE.</p> <p>Moltar d'iarratasóirí iad féin a chur ar an eolas faoi na rialacha soláthair, mar d'fhéadfadh sé go ndiúltófaí caiteachas mura gcomhlíonfar na rialacha seo.</p>
Poiblíocht	<p>Is riachtanas lárnach é do thionscadail rathúla a chinntiú go bhfuil na rannpháirtithe agus an fhoireann uile ar an eolas go bhfuil maoiniú CSI á úsáid ar a gclár.</p> <p>Dá réir sin, tá ceanglas ann go ndéanfar poiblíocht fhairsing maidir le tacaíocht CSI ar gach doiciméad, poiblíocht agus ábhair tionscadail/suíomh gréasáin.</p> <p>D'fhéadfadh mainneachtain cloí leis na rialacháin sin a bheith ina chúis le deontais a laghdú nó a tharraingt siar.</p>
Iniúchadh / Comhlíonadh	<p>Beidh gach caiteachas agus gníomhaíocht faoi réir iniúchta dian. Féadfar pionós airgeadais a bheith mar thoradh ar neamhchomhlíonadh. I gcás ina n-aithnítear neamhchomhlíonadh, féadfaidh an tÚdarás Bainistíochta</p>

	céimeanna a ghlacadh chun cistí arna íoc cheana féin a aisghabháil.
Sonraí Táscaire	Beidh sé de cheangal ar gach tionscadal taifid a choinneáil maidir le baint amach spriocanna aschuir agus táscaire toraidh mar atá leagtha amach ar an bhfoirm iarratais. Éileoidh sé seo ar thionscadail cóipeanna de dhoiciméid a dheimhníonn incháilitheacht agus críochnú a fháil agus a choinneáil. Beidh gá an fhaisnéis seo a thuairisciú go rialta don Údarás Bainistíochta, agus beidh sí faoi réir seiceálacha fóraithe.
Feidhmchlár ina liostaítear gníomhaíochtaí iolracha	I gcás ina bhfuil níos mó ná gníomhaíocht amháin i gceist le tionscadal, ceanglaítear ar an iarratasóir gach gníomhaíocht a bhfuil sé beartaithe aige a sheachadadh a liostáil, agus miondealú soiléir ar na costais mar thaca leis sin. Ba cheart na haschuir agus na torthaí a bhfuiltear ag súil leo do gach gníomhaíocht a sholáthar.

1.4 Iarratais

Ní mór d'iarratasóirí an Fhoirm Iarratais a chomhlánú i Microsoft Word.

Maidir le foirmeacha iarratais neamhiomlána, measfar iad gan a bheith incháilithe.

Déanfar seiceáil tosaigh ag an Údarás Bainistíochta ar iarratais a gheofar faoin dáta agus am deiridh lena chinntiú go bhfuil siad incháilithe lena mbreithniú. Maidir leis na hiarratais, le bheith incháilithe, ní mór dóibh:

- A bheith aighnithe in am;
- A bheith aighnithe ag eagraíocht iarratasóra incháilithe;
- A bheith iomlán (i.e., gach cuid iomchuí comhlánaithe);
- A bheith sínithe ag duine atá údaraithe chun an t-iarratas a chur isteach thar ceann na heagraíochta iarratasóra; agus
- Cuir fianaise ar fáil maidir leis an 10% / 25% den mhaoiniú is gá a bheidh fágtha.

Ní bhreithneofar iarratais nach gcomhlíonann an tástáil tosaigh seo. Rachaidh na hiarratais a éiríonn leo sa chéad tseiceáil seo ar aghaidh ansin le haghaidh tuilleadh measúnaithe.

1.5 Cuspóirí an Ghlaio

Cuspóirí Glaonna	Tá roinnt Cuspóirí Sonracha i <u>gClár Náisiúnta CSI</u> na hÉireann atá le baint amach le tacaíocht ón CSI. Is é aidhm an ghlaio seo ná tograí a roghnú le haghaidh maoinithe faoi na Cuspóirí Sonracha seo a leanas: <ul style="list-style-type: none"> • Cuspóir Sonrach 1, • Cuspóir Sonrach 2, • Cuspóir Sonrach 3.
-------------------------	---

Gníomhartha Táscacha	I gClár Náisiúnta CSI na hÉireann, 2021-2027 ² tá samplaí de na cineálacha gníomhartha a féadfar a mhaoiniú faoin CSI . Chun roinnt samplaí a bhaineann leis an nglao seo ar thograí a fheiceáil, féach ar na fo-cheannteidil ábhartha do Cuspóir Sonrach 1, 2 agus 3 sa Chlár Náisiúnta ² . Beidh roinnt gníomhartha faoi réir dámhachtainí díreacha do chomhlachtaí Stáit.
Rannchuidiú leis na Prionsabail Chothrománacha	Aon ghníomhartha a roghnófar le haghaidh maoiniú faoin nGlao seo ar Thograí, cuirfear i bhfeidhm iad agus aird á tabhairt ar na coinníollacha cumasúcháin cothrománacha atá mionsonraithe sa Chlár Náisiúnta ² .
Aschuir agus Torthaí	Ní mór do thograí aschuir agus torthaí mionsonraithe a bhfuil sé beartaithe ag iarratasóirí a bhaint amach a bheith san áireamh. Ceanglaítear ar iarratasóirí torthaí agus spriocanna soiléire, intomhaiste a leagan amach dá ngníomhaíochtaí tionscadail.

1.6 Caiteachas incháilithe

Féach ar Cuid 3, ina bhfuil faisnéis faoi chaiteachas incháilithe.

Ní mór d'iarratasóirí buiséad a leagan amach ina léirítear an costas iomlán incháilithe, an ráta cómhaoinithe agus an ranníocaíocht iarrtha ón AE don togra. Ní mór costais incháilithe ar leithligh a mhionsonrú de réir cód toise gníomhaíochta (*féach cuid 2.3.4 le haghaidh sonraí faoi chóid toise gníomhaíochta atá ar fáil*). I gcás gach tionscadail a roghnaítear le haghaidh maoinithe, déanfaidh an tAonad Riaracháin Cistí, mar chuid dá fhíorú caiteachais, athbhreithniú ar dhoiciméid chúlta don chaiteachas tionscadail uile.

Beidh gá le cruthúnas ar chaiteachas díreach arna thabhtú agus arna íoc. Ní mór conarthaí fostaíochta agus doiciméid phárolla, a bhfuil nasc sainráite acu leis an tionscadal, a bheith mar thaca le costais foirne an tionscadail. Ní mór cóipeanna de shonraisc agus admhálacha a choinneáil le haghaidh gach costas díreach agus indíreach eile arna thabhtú. Ní mór fianaise ar chomhlíonadh Rialacha Soláthair Náisiúnta agus Eorpacha a choinneáil.

I gcás ina n-oibríonn baill foirne go páirtaimseartha ar an tionscadal agus go páirtaimseartha ar ghníomhaíochtaí eile, tá sé ríthábhachtach go gcoimeádtar bileoga ama mionsonraithe ionas go bhféadfar incháilitheacht chostais foirne a chinneadh.

Ní mór d'iarratasóirí na leibhéil tuarastail atá beartaithe do bhaill foirne tionscadail a chosaint trí thagairt a dhéanamh do leibhéil tuarastail atá ann cheana féin do phoist chomhchosúla sa mhargadh saothair, agus aird chuí á tabhairt ar an riachtanas go léireodh na gníomhaíochtaí uile a mhaoinítear luach ar airgead.

1.7 Critéir roghnúcháin tionscadail

Déanfar iarratais a mbeidh an chéad tseiceáil rite acu a mheasúnú i gcoinne na gcritéir roghnúcháin thíos. Déanann an Coiste Meastóireachta measúnú ar gach togra trí thagairt a

dhéanamh do na critéir thíos, agus cuirtear ualú aonair i bhfeidhm ar gach critéar. Ceanglaítear ar thogra meánmharc pasála a fháil do gach critéar chun go molfar é lena cheadú.

Critéar	Marcanna iomlána atá ar fáil
Ábharthacht	40%
Eagraíocht	30%
Neart an Togra	15%
Éifeachtúlacht	15%

Critéar	Ceist lárnach	Ceisteanna tipiciúla meastóireachta	Scór íosta pasála
Ábharthacht	Cé chomh fada agus a thugann an tionscadal aghaidh ar Chuspóirí Sonracha an CSI agus a chuireann sé leis an ngníomhaíocht incháilithe roghnaithe a bhfuil béim leagtha orthu faoi fiche clársceidealaithe an AE?	An bhfuil cuspóirí an tionscadail leagtha amach go soiléir agus an gcomhlíonann siad na haidhmeanna a bhaineann leis an gCuspóir Sonrach is infheidhme (i.e., Cuspóir Sonrach 1/2/3)? Cé chomh hábhartha is atá an tionscadal atá beartaithe i gcomparáid leis na ceanglais atá leagtha amach i gClársceidealú Fiche an CSI agus a ábharthacht i ndáil leis an gCuspóir Sonrach is infheidhme? A mhéid a oireann an ghníomhaíocht atá beartaithe do bheartais náisiúnta póilíneachta atá ann cheana féin.	30/40 (75%)
Eagraíocht	An bhfuil sé indéanta, ar bhonn an mhaoinithe sa tréimhse clársceidealaithe roimhe seo, go mbeidh an t-iarratasóir in ann an togra tionscadail a chur i bhfeidhm go rathúil agus na hoibleagáidí a bhaineann leis an deontas a chomhlíonadh?	An bhfuil fianaise ann a thacaíonn le cumas an iarratasóra na torthaí atá beartaithe a sheachadadh. An bhfuil aon taithí roimhe seo ag an iarratasóir ar obair a dhéanamh le ceanglais CSI? Fianaise go bhfuil an t-iarratasóir in ann an tionscadal beartaithe a bhainistiú ar bhealach cuí. Fianaise ar rialachas cuí agus inmharthanacht airgeadais na heagraíochta. Seachadadh tionscadal atá	18/30 (60%)

Critéar	Ceist lárnach	Ceisteanna tipiciúla meastóireachta	Scór íosta pasála
		maoinithe ag an CSI roimhe seo agus comhlíonadh ceanglais tuairiscithe.	
Neart an Togra	An bhfuil togra an tionscadail soiléir agus coinchréiteach i ngach réimse? An bhfuil na gníomhaíochtaí agus na torthaí a bhfuiltear ag súil leo a bhaint amach inchainníochtaí agus intomhaiste?	Cé chomh héifeachtach is atá an togra agus costas na seirbhísí atá le cur ar fáil? Cé chomh mionsonraithe agus struchtúrtha is atá an togra? Cé chomh héifeachtach agus a chomhlíonann an Togra riachtanais threoirlínte soláthair na hOifige um Sholáthar Rialtais?	9/15 (60%)
Éifeachtúlacht	Cé chomh soiléir agus dea-struchtúrtha is atá buiséad an tionscadail agus an bhfuil luach ar airgead i gceist leis na torthaí?	Cé chomh soiléir agus dea-struchtúrtha is atá buiséad an tionscadail? An bhfuil na Costais i gcomhréir le noirm an Mhargaidh? An bhfuil na costais fhorchostais atá leagtha amach réasúnta? An bhfuil costais fhoriomlána an tionscadail réalaíoch agus ábhartha? An bhfuil costas foriomlán an tionscadail ag tabhairt údar leis na brabúis atá beartaithe ón tionscadal?	9/15 (60%)

Ba cheart d'eagraíochtaí a dhéanann tograí aird a thabhairt ar na critéir roghnúcháin thuas agus ar na ceisteanna meastóireachta gaolmhara agus cás gnó á dhréachtú acu le haghaidh togra, agus ba cheart dóibh a bhreithniú cibé an dtugann an cás gnó aghaidh leordhóthanach ar na critéir.

1.8 Fógra faoin toradh

Cuirfear gach iarratasóir ar an eolas faoi thoradh a n-iarratais.

1.9 COMHAONTÚ DEONTAIS

Beidh ar iarratasóirí a éiríonn leo Comhaontú Deontais a dhéanamh leis an nGarda Síochána agus cloí le gach ceanglas tuairiscithe airgeadais agus eile, lena n-áirítear faireachán agus meastóireacht leanúnach i gcomhréir le hAirteagal 74 de Rialachán (AE) Uimh. 2021/1060.

Is doiciméad ceangailteach ó thaobh an dlí de é an Comhaontú Deontais. Beidh iarratasóirí a éiríonn leo faoi réir na dtéarmaí agus na gcoinníollacha atá sa Chomhaontú Deontais. Má mhainnítear aon cheann de choinníollacha an Chomhaontaithe Deontais a chomhlíonadh, d'fhéadfadh sé go dtarraingeofaí siar an maoiniú agus, más gá, go n-aisghabhfaí cuid de na cistí a eisíodh nó iad go léir.

Leagtar amach na ceanglais íosta maidir le Comhaontuithe Deontais CSI in Airteagal 73(3) de Rialachán (AE) Uimh. 2021/1060, agus de réir sin ní mór na nithe seo a leanas a bheith san áireamh sa Chomhaontú Deontais (ach gan a bheith teoranta dóibh):

- Ceanglais shonracha maidir leis na táirgí nó na seirbhísí atá le seachadadh;
- An plean maoinithe;
- An teorainn ama lena fhorghníomhú;
- An modh atá le cur i bhfeidhm chun costas na hoibríochta a chinneadh, agus
- Na coinníollacha maidir le híocaíocht na tacaíochta.

Tá an maoiniú i gcónaí faoi réir an choinníll go mbeidh acmhainní ar fáil faoi na fo-chinn íomchuí de Vóta an Gharda Síochána agus forálfar é seo sa Chomhaontú Deontais.

Íocfar maoiniú deontais trí aistriú leictreonach ciste i gcomhréir leis na téarmaí atá leagtha amach sa Chomhaontú Deontais, agus faoi réir deimhnithe go bhfuil Deimhniú Imréitigh Cánach reatha i bhfeidhm.

1.10 IARRATAIS A AIGHNIÚ

Ní mór iarratais a chomhlánú ag baint úsáid as an bhFoirm Iarratais; ní ghlacfar le haon fhoirm iarratais eile.

Nuair a bheidh sé críochnaithe, ní mór na doiciméid uile, mar aon le haon doiciméadacht bhreise a iarrtar, a chur isteach trí ríomhphost chuig ISF@garda.ie, leis an líne ábhair seo a leanas: ‘CSI - glao ar thograí, 2026 – (Ainm an tionscadail)’

Is ar an iarratasóir é an fhreagracht cinnte a dhéanamh go bhfuil ríomhphoist seolta go soiléir agus go gcuirtear isteach iad de réir na dtreoracha seo.

1.11 Cosaint sonraí.

Déanfaidh an Garda Síochána gach faisnéis agus sonraí pearsanta a thugann tú dúinn a láimhseáil mar fhaisnéis rúnda. Tá an Garda Síochána cláraithe mar Rialaitheoir Sonraí faoin Rialachán Ginearálta maidir le Cosaint Sonraí.

1.12 Saoráil Faisnéise

Tá an Garda Síochána faoi réir fhorálacha an Achte um Shaoráil Faisnéise, 2014. Leis an Acht um Shaoráil Faisnéise cuirtear dualgais éagsúla ar an nGarda Síochána agus tugtar cearta áirithe do dhaoine aonair rochtain a fháil ar thaifid den Gharda Síochána, lena n-áirítear iad siúd a bhaineann le cúiseanna le cinntí a dhéanann an Garda Síochána. Coinneoidh an Garda Síochána taifid do gach iarratas agus d’fhéadfadh siad seo a bheith faoi réir iarratais um Shaoráil Faisnéise.

Más rud é, tráth a bhfuil faisnéis á cur ar fáil don Gharda Síochána, go measann d’eagraíocht gur íogair ó thaobh tráchtála de, nó rúnda, faisnéis áirithe, nó gur faisnéis de chineál pearsanta í, agus dá bhrí sin go bhféadfadh cúiseanna a bheith ann chun í a mheas mar fhaisnéis atá díolmhaithe ó nochtadh faoin Acht um Shaoráil Faisnéise, ní mór duit an fhaisnéis iomchuí a shainaithint agus na cúiseanna lena híogaireacht a shonrú trí ríomhphost agus d’iarratas á chur isteach agat. Mar sin féin, ní féidir leis an nGarda Síochána aon ráthaíocht a thabhairt maidir leis an toradh deiridh a bheidh ar aon iarratas um Shaoráil Faisnéise in aon chás. Féadfaidh an Garda Síochána gach faisnéis eile a sholáthraíonn d’eagraíocht a scaoileadh (gan dul i gcomhairle roimh ré), mar fhreagra ar iarratas um Shaoráil Faisnéise.

2. Treoir maidir le hiarratas a dhéanamh

Léigh an treoir seo ina hiomláine sula ndéantar an fhoirm iarratais a chomhlíonadh.

2.1 Ceisteanna réamhchéime

Is féidir ceisteanna maidir leis an nglao seo ar thograí a chur chuig ISF@garda.ie faoin teideal ábhair: ‘Ceist faoi ghlaio ar thograí CSI, 2026’ ar nó roimh 26/06/2026.

2.2 Cuid A: Riarachán

I gcuid A den fhoirm, iarrfar ort roinnt eolais a chur síos maidir leis an eagraíocht ina bhfuil tú.

I gcás ina bhfuil roinnt eagraíochtaí páirteach san iarratas, tabhair sonraí faoi príomhiarratasóir, chomh maith le sonraí faoi iarratasóirí breise.

2.3 Cuid B: Cur i láthair an togra maoinithe

2.3.1 Cuid B1: Cur síos ar an tionscadal

Cuir achoimre, plean tionscadail mionsonraithe agus déan cur síos ar na buntáistí atá beartaithe don tionscadal ar fáil, le do thoil. Ba cheart duit cur síos a dhéanamh freisin ar an tsamhail seachadta atá beartaithe, chomh maith le conas a chomhlíonfaidh an tionscadal Treoirínte Soláthair Phoiblí na hOifige um Sholáthar Rialtais maidir le Earraí agus Seirbhísí.

2.3.2 Cuid B2: Cuspóirí agus aidhmeanna beartais sonracha a shainnithint

Cuir in iúl, le do thoil, cén Cuspóir Sonrach a bhfuil do thogra ag plé leis, chomh maith leis na haidhmeanna beartais a bhfuil an togra ag iarraidh aghaidh a thabhairt orthu.

Leagtar amach trí ‘Chuspóir Sonracha’ de chuid an CSI in Airteagal 3 de Rialachán ¹. Ní mór do gach togra tionscadail a chuirtear isteach ceann amháin ar a laghad de na trí Chuspóir Shonracha a chomhlíonadh. Dá bhrí sin, tá sé tábhachtach a mhíniú conas a thabharfaidh an togra aghaidh ar an gCuspóir Sonrach.

Raon feidhme na tacaíochta – Iarscríbhinn III a ghabhann le Rialachán CSI

Tá liosta de 12 chineál gníomhaíochta ar féidir leis an CSI tacú leo in Iarscríbhinn III a ghabhann le Rialachán an CSI¹. Níl an liosta seo uileghabhálach; áfach, is fiú measúnú a dhéanamh ar cibé an mbeidh an togra ag teacht le haon cheann de na gníomhartha seo agus míniú a thabhairt air sin sa chás gnó. Tá sé úsáideach freisin an staid reatha maidir leis an ngníomh ábhartha a mhíniú, chomh maith leis na dúshláin shonracha atá romhainn. Seo a leanas na gníomhartha seo:

- a. Córais TFC a chur ar bun, a oiriúnú agus a chothabháil a chuireann le cuspóirí an Rialacháin seo a bhaint amach, oiliúint a chur ar fáil maidir le húsáid na gcóras sin, agus comhpháirteanna idir-inoibritheachta agus cáilíocht sonraí na gcóras sin a thástáil agus a fheabhsú,
- b. Faireachán ar chur i bhfeidhm dhlí an Aontais agus cuspóirí beartais an Aontais sna Ballstáit i réimse na gcóras faisnéise a bhaineann le slándáil, lena n-áirítear cosaint sonraí, príobháideacht agus slándáil sonraí,
- c. Gníomhartha oibríochtúla timthriall beartais an AE/EMPACT,

- d. Gníomhaíochtaí lena dtacaítear le freagairt éifeachtach agus chomhordaithe ar ghéarchéimeanna agus lena nasctar cumais earnála-shonracha, ionaid saineolais agus ionaid feasachta staide atá ann cheana féin, lena n-áirítear iad siúd atá ann do shláinte, cosaint shibhialta, sceimhlitheoireacht agus cibearchoireacht,
- e. Gníomhaíochtaí lena bhforbraítear modhanna nuálacha nó lena n-imscartar teicneolaíochtaí nua a bhfuil an cumas iontu a bheith inaistrithe chuig Ballstáit eile, go háirithe tionscadail atá dírithe ar thoradh tionscadal taighde slándála atá maoinithe ag an Aontas a thástáil agus a bhailíochtú,
- f. Gníomhartha a fheabhsaíonn athléimneacht i leith bagairtí atá ag teacht chun cinn, lena n-áirítear gáinneáil trí bhealaí ar líne, bagairtí hibrídeacha, úsáid mhailíseach córas aeir gan fhoireann agus bagairtí ceimiceacha, bitheolaíoch, radaíolaíoch agus núicléacha,
- g. Tacaíocht a sholáthar do líonraí téamacha nó tras-théamacha d'aonaid náisiúnta speisialaithe agus do phointí teagmhála náisiúnta chun muinín fhrithpháirteach a fheabhsú, malartú agus scaipeadh saineolais, faisnéise, taithí agus dea-chleachtas, agus comhthiomsú acmhainní agus saineolais in ionaid chomhpháirteacha barr feabhais,
- h. Oideachas agus oiliúint do bhaill foirne agus do shaineolaithe in údaráis forfheidhmithe dlí agus breithiúnacha ábhartha agus i ngníomhaireachtaí riaracháin, agus riachtanais oibríochtúla agus anailísí riosca á gcur san áireamh, i gcomhar le CEPOL agus, nuair is infheidhme, leis an nGréasán Eorpach um Oiliúint Bhreithiúnach, lena n-áirítear oideachas agus oiliúint maidir le beartais chosc, le béim ar leith ar chearta bunúsacha agus ar neamh-idirdhealú,
- i. Comhar leis an earnáil phríobháideach, mar shampla sa chomhrac i gcoinne na cibearchoireachta, chun muinín a chothú agus chun comhordú, pleanáil teagmhais agus malartú agus scaipeadh faisnéise agus dea-chleachtas i measc gníomhaithe poiblí agus príobháideacha a fheabhsú, lena n-áirítear i gcosaint spásanna poiblí agus bonneagair ríthábhachtach,
- j. Gníomhaíochtaí a chumhachtaíonn pobail chun cur chuige áitiúla agus beartais chosc a fhorbairt, agus gníomhaíochtaí múscaillte feasachta agus cumarsáide i measc geallsealbhóirí agus an phobail i gcoitinne maidir le beartais slándála an Aontais,
- k. Maoiniú trealaimh, modhanna iompair, córas cumarsáide agus áiseanna ábhartha slándála, agus
- l. Maoiniú costas na foirne atá bainteach leis na gníomhartha a fhaigheann tacaíocht ón gCiste nó gníomhartha a éilíonn rannpháirtíocht foirne ar chúiseanna teicniúla nó slándála.

Tagairt don *fiche* chlársceidealaithe

Tá fiche clársceidealaithe forbartha ag an AE (féach Aguisín I), ina leagtar amach réimsí beartais éagsúla ar cheart do thionscadail CSI aghaidh a thabhairt orthu. Ba chóir d'iarratasóirí ionchasacha athbhreithniú a dhéanamh ar an fiche chlársceidealaithe agus a leagan amach cé na haidhmeanna beartais a mbeidh an tionscadal beartaithe ag tabhairt aghaidh orthu.

Tá sé úsáideach freisin an staid reatha maidir leis na haidhmeanna beartais iomchuí a mhíniú, chomh maith leis na dúshlán shonracha atá romhainn.

Téigh i dteagmháil le bosca poist na rannóige CSI (ISF@Garda.ie) le haon cheisteanna a bhaineann le léiriú a dhéanamh ar an gcaoi a dtabharfaidh tionscadal aghaidh ar na haidhmeanna beartais atá leagtha amach sa fiche clársceidealaithe.

2.3.3 Cuid B3: Táscairí feidhmíochta tionscadail

Leag amach, le do thoil, na táscairí aschuir agus torthaí a mbeidh an tionscadal ag plé leo san fhormáid a iarrtar de réir an fhoirm iarratais.

Táscairí Aschuir agus Torthaí

Mínítear in Airteagal 27 de Rialachán CSI¹ go gcuirtear dul chun cinn an Chiste in iúl don Choimisiún trí tháscairí aschuir agus toraidh ina mbeidh táscairí sonracha a bhaineann le gach Cuspóir Sonrach. In Iarscríbhinn VIII a ghabhann le Rialachán CSI¹ leagtar amach na táscairí mar seo a leanas:

Cuspóir Sonrach 1

Táscairí Aschuir

Líon na rannpháirtithe i ngníomhaíochtaí oiliúna

Líon cruinnithe saineolaithe / ceardlanna / cuairteanna staidéir

Líon na gcóras TFC a bunaíodh / a oiriúnaíodh / a chothabháladh

Líon na míreanna trealamh a ceannaíodh

Táscairí Torthaí

Líon na gcóras TFC atá idir-inoibritheach sna Ballstáit / le córais faisnéise AE agus díláraithe atá ábhartha ó thaobh slándála de / le bunachair shonraí idirnáisiúnta

Líon na n-aonad riaracháin a bhfuil sásraí / nósanna imeachta / uirlisí / treoirlíní nua malartaithe faisnéise bunaithe acu nó a bhfuil cinn atá ann cheana féin oiriúnaithe acu chun faisnéis a mhalartú le Ballstáit eile / comhlachtaí, oifigí nó gníomhaireachtaí an Aontais / trú tíortha / eagraíochtaí idirnáisiúnta.

Líon na rannpháirtithe a mheasann go bhfuil an oiliúint úsáideach dá gcuid oibre

Líon na rannpháirtithe a thuairiscíonn trí mhí tar éis na gníomhaíochta oiliúna go bhfuil siad ag baint úsáid as na scileanna agus na hinniúlachtaí a fuair siad le linn na gníomhaíochta oiliúna sin

Cuspóir Sonrach 2

Táscairí Aschuir

Líon na n-oibríochtaí trasteorann, agus sonraigh orthu, ar leithligh:

- Líon na bhfoirne imscrúdaithe comhphárteacha
- Líon na ngníomhaíochtaí oibríochtúla timhriall beartais AE / EMPACT

Líon cruinnithe saineolaithe / ceardlanna / cuairteanna staidéir / cleachtaí comónta

Líon na míreanna trealamh a ceannaíodh

Líon na modhanna iompair a ceannaíodh le haghaidh oibríochtaí trasteorann

Táscairí Torthaí

An luach measta ar shócmhainní atá reoite i gcomhthéacs oibríochtaí trasteorann

Cainníocht drugaí aindleathacha a urghabhadh i gcomhthéacs oibríochtaí trasteorann, de réir cineál táirge

- cannabas;
- ópóidigh, lena n-áirítear hearóin;
- cócaon;
- drugaí sintéiseacha, lena n-áirítear spreagthóirí de chineál amfataimín (lena n-áirítear amfataimín agus meataimfetaimín) agus MDMA;
- substaintí sícighníomhacha nua;
- drugaí mídhleathacha eile.

Cainníocht arm arna n-urghabhadh i gcomhthéacs oibríochtaí trasteorann, de réir cineál airm

- airm chogaidh: airm tine uathoibríocha agus airm tine throma (fritancanna, lainseálaí roicéad, moirtéar, srl.);
- airm tine gearra eile: gunnáin agus piostail (lena n-áirítear airm chúirtéise agus acústacha);
- airm tine fhada eile: raidhfíilí agus gunnaí gráin (lena n-áirítear airm chúirtéise agus acústacha).

Líon na n-aonad riaracháin a bhfuil sásraí / nósanna imeachta / uirlisí / treoirlíní malartaithe faisnéise forbartha acu nó a bhfuil cinn atá ann cheana féin oiriúnaithe acu

chun comhoibriú le Ballstáit eile / comhlachtaí, oifigí nó gníomhaireachtaí an Aontais / trú tíortha / eagraíochtaí idirnáisiúnta.
Líon na foirne atá páirteach in oibríochtaí trasteorann
Líon na moltaí meastóireachta Schengen ar tugadh aghaidh orthu

Cuspóir Sonrach 3

<i>Táscairí Aschuir</i>
Líon na rannpháirtithe i ngníomhaíochtaí oiliúna
Líon na gclár malartaithe / ceardlann / cuairteanna staidéir
Líon na míreanna trealamh a ceannaíodh
Líon na modhanna iompair a ceannaíodh
Líon na míreanna bonneagair / áiseanna / uirlisí / meicníochtaí a tógadh / a ceannaíodh / a uasghrádaíodh a bhaineann le slándáil
Líon na dtionscadal chun coireacht a chosc
Líon na dtionscadal chun cabhrú le híospartaigh na coireachta
Líon íospartach na coireachta ar tugadh cúnamh dóibh
<i>Táscairí Torthaí</i>
Líon na dtionscnamh a forbraíodh / a leathnaíodh d'fhonn an radacú a chosc
Líon na dtionscnamh a forbraíodh / a leathnaíodh chun finnéithe agus sceithirí a chosaint / a thacú
Líon na mbonneagar criticiúil/na spásanna poiblí le háiseanna nua oiriúnaithe a chosnaíonn i gcoinne rioscaí a bhaineann le slándáil
Líon na rannpháirtithe a mheasann go bhfuil an ghníomhaíocht oiliúna úsáideach dá gcuid oibre
Líon na rannpháirtithe a thuairiscíonn trí mhí tar éis na gníomhaíochta oiliúna go bhfuil siad ag baint úsáid as na scileanna agus na hinniúlachtaí a fuair siad le linn na gníomhaíochta oiliúna sin

2.3.4 Cuid B4: Buiséad agus costáil

Cuir an fhaisnéis bhuiséadach a iarradh i gceisteanna 19 – 22 ar fáil, le do thoil.

Buiséad molta

Tá liosta de 11 ‘chód don chineál gné gníomhaíochta’ ar fáil i dTábla 2 in Iarscríbhinn VI a ghabhann le Rialachán CSI¹. Is iad seo cóid trína ndéanfar caiteachas tionscadail a chatagóiriú nuair a thuairiscíonn iarratasóirí rathúla go tréimhsiúil don Údarás Bainistíochta agus nuair a ullmhaítear iarratas íocaíochta lena chur faoi bhráid an Choimisiúin Eorpaigh.

001	Córais TFC, idir-inoibritheacht, cáilíocht sonraí (gan trealamh a áireamh)
002	Líonraí, ionaid barr feabhais, struchtúir chomhair, gníomhaíochtaí agus oibríochtaí comhphárteacha
003	Foirne Comhphárteacha um Imscrúdú nó oibríochtaí comhphárteacha eile
004	Iasacht nó imscaradh saineolaithe

005	Oiliúint
006	Malartú dea-chleachtas, ceardlanna, comhdhálacha, imeachtaí, feachtais feasachta, gníomhaíochtaí cumarsáide
007	Staidéir, tionscadail phíolótacha, measúnuithe riosca
008	Trealamh
009	Modhanna iompair
010	Foirgnimh, áiseanna
011	Imscaradh nó obair leantach eile ar thionscadail taighde

Ba chóir do thograí caiteachas réamh-mheasta an tionscadail a haicmiú i gcomhréir leis na 11 chód thuas. Ba chóir d'iarratasóirí ionchasacha a bheith ar an eolas freisin faoin bhfíric, de réir Airteagal 13(7) de Rialachán CSI¹, gur féidir uasmhéid de 35% den leithdháileadh iomlán le haghaidh caiteachas tionscadail don Chlár Náisiúnta a chaitheamh ar threalamh (cód gné gníomhaíochta 008). Má sháraíonn buiséad iarrtha na n-iarratas rathúla faoi chód gné gníomhaíochta 008 35% den chaiteachas buiséadaithe go carnach, féadfar an méid deiridh a leithdháilfear ar thogra iarratasóra faoi chód gné gníomhaíochta 008 a laghdú.

Tá sé tábhachtach go leagfar amach comhpháirteanna an bhuiséid ar bhealach soiléir agus intuigthe, ós rud é go bhfuil daoine ó chúlraí neamhairgeadais ar an gCoiste Meastóireachta. Ba chóir don bhuiséad gach seachadadh tionscadail a ailíniú le ceann amháin de na 11 chód thuas. Tá sampla de bhuiséad críochnaithe mionsonraithe thíos:

Gníomhaíochtaí	Costas iomlán incháilithe	Cód toise gníomhaíochta
Córas Bogearraí 1	€250,000.00	001 Córais TFC, idir-inoibritheacht, cáilíocht sonraí (gan trealamh san áireamh)
Córas Bogearraí 2	€50,000.00	001 Córais TFC, idir-inoibritheacht, cáilíocht sonraí (gan trealamh san áireamh)
Ríomhairí glúine	€200,000.00	008 Trealamh
Iomlán	€500,000.00	

Luach ar airgead

Chomh maith le buiséad soiléir agus dea-struchtúrtha, ba cheart go mbeadh míniú sna tograí freisin maidir leis an gcaoi a bhfuil na costais atá beartaithe i gcomhréir le noirm an mhargaidh agus go ndéanfar luach ar airgead a lorg ar fud an tionscadail.

Gníomhartha in Iarscríbhinn IV a ghabhann le Rialachán CSI

Mar a leagtar amach thuas, féadfaidh tograí a dhíríonn ar ghníomhartha atá liostaithe in Iarscríbhinn IV a ghabhann le Rialachán CSI¹ i dtaobh cáilíocht le haghaidh comhthaobú 90% ón AE. Más infheidhme é seo maidir leis an togra, mínigh le do thoil cén gníomh a ndéanfar é agus conas a rachaidh an tionscadal i ngleic leis an gníomh sin.

Seo a leanas na gníomhartha atá liostaithe in Iarscríbhinn IV:

- (1) Tionscadail a bhfuil sé mar aidhm acu radacú a chosc agus a chomhrac,
- (2) Tionscadail a bhfuil sé mar aidhm acu idir-inoibritheacht chóras faisnéise AE agus córas náisiúnta TFC a fheabhsú, a mhéid a fhoráiltear dó sin i ndlí an Aontais nó i ndlí na mBallstát,
- (3) Tionscadail a bhfuil sé mar aidhm acu dul i ngleic leis na bagairtí is tábhachtaí a bhaineann le coireacht thromchúiseach agus eagraithe, faoi chuimsiú ghníomhaíochtaí oibríochtaí timthriall beartais an AE/EMPACT,
- (4) Tionscadail a bhfuil sé mar aidhm acu an chibearchoireacht a chosc agus a chomhrac, go háirithe dúshaothrú gnéasach leanaí ar líne, agus coireanna ina bhfuil an t-idirlíon mar phríomhardán le haghaidh bailiú fianaise, agus
- (5) Tionscadail a bhfuil sé mar aidhm acu slándáil agus athléimneacht bonneagair ríthábhachtach a fheabhsú.

Téigh i dteagmháil trí bhosca poist na rannóige CSI (ISF@Garda.ie) le haon cheisteanna maidir le cibé an bhféadfadh tionscadal aghaidh a thabhairt ar cheann de na gníomhartha atá liostaithe in Iarscríbhinn IV.

3. Incháilitheacht chaiteachais

Leagtar amach in Airteagail 63-68 de Rialachán (AE) Uimh. 2021/1060³ na coinníollacha chun incháilitheacht caiteachais a chinneadh. Tá achoimre ghearr ar na rialacha incháilitheachta caiteachais curtha ar fáil thíos.

- Ní mór don tairbhí an caiteachas a thabú le linn théarma an chonartha.
- Maidir leis an gcaiteachas ní mór gur i leith oibríochtaí é atá leagtha amach sa Chomhaontú Deontais. Ní mór gach caiteachas a thabú agus a íoc, a thaifeadadh i gcuntais an tairbhí agus a bheith tacaíthe le doiciméid chúí, go hiarbhír, d'fhonn rian iniúchóireachta leordhóthanach a chinntiú. Ní mór na doiciméid tacaíochta a choinneáil go dtí an 31 Nollaig 2038 mura dtugann an tÚdarás Bainistíochta fógra dá mhalairt sin.
- Ní mór foráil a dhéanamh do gach caiteachas sa Chomhaontú Deontais agus/nó sa bhuiséad tionscadail arna cHomhaontú.
- Ní mór gach caiteachas a bheith riachtanach chun na gníomhaíochtaí tionscadail atá cumhdaithe ag an gComhaontú Deontais a chur i bhfeidhm.

³ [Rialachán \(AE\) Uimh. 2021/1160](#)

- Ní mór gach caiteachas a bheith réasúnta agus údar maith leis agus i gcomhréir le prionsabail na bainistíochta airgeadais fóna, go háirithe i dtéarmaí luach ar airgead agus éifeachtúlacht costais.
- Ní mór cloí le gach ceanglas poiblíochta agus faisnéise de chuid an AE.
- Ní mór cloí leis na Rialacha um Sholáthar den AE agus Náisiúnta araon.
- Ní mór conarthaí fostaíochta, taifid phárolla (lena n-áirítear duillíní tuarastail, fíorú íocaíochta na gCoimisinéirí Ioncaim) agus bileoga ama mionsonraithe (d'fhostaithe atá ag obair go páirtaimseartha ar an tionscadal agus go páirtaimseartha ar ghníomhaíochtaí eile) arna gcomhlánú de réir teimpléid fhorordaithe a bheith mar thaca le costais foirne. Beidh feidhm ag seo maidir le fostaithe san eagraíocht tionscadail agus aon fhoireann ar conradh atá ag obair ar an tionscadal araon.

Ina theannta sin, foráiltear in Airteagal 5(5) de Rialachán (AE) Uimh. 2021/1149 nach bhfuil tionscadail a thacaíonn leis na gníomhartha seo a leanas **incháilithe** le haghaidh maoiniú faoin gCiste Inmheánach Comhshaoil (CSI):

- (a) Gníomhartha atá teoranta don ord poiblí a choinneáil ar an leibhéal náisiúnta,
- (b) Gníomhartha a bhfuil cuspóir míleata nó cosanta leo,
- (c) Trealamh arb é rialú custaim a phríomhchuspóir,
- (d) Trealamh éigeantach, lena n-áirítear airm, armlón, pléascáin agus bataí círéibe, seachas chun críocha oiliúna, agus
- (e) Luaíochtaí faisnéiseora agus airgead geal lasmuigh de chreat timthriall beartais AE / gníomhaíocht oibríochtúil EMPACT.

4. Córais agus taifid

Rialachas

Ní mór do bhord gach eagraíochta a fhaigheann maoiniú deontais na nósanna imeachta agus na córais uile is gá chun cistí poiblí a bhainistiú a chur i bhfeidhm, a mhonatóiriú agus a athbhreithniú. Tá cáilíocht do rialachais chorparáidigh agus do chinnteoireachta ríthábhachtach maidir le comhlíonadh do chonartha. I gcás ina bhfuil níos mó ná eagraíocht amháin freagrach as an tionscadal a sheachadadh, tá sé de fhreagracht ar an Eagraíocht Cheannais tuairisciú a dhéanamh don Aonad Riaracháin Cistí ar chaiteachas airgeadais, gníomhaíochtaí, aschuir agus sonraí táscaire an tionscadail go léir don tionscadal atá á mhaoiniú.

Nósanna Imeachta Airgeadais Inmheánacha

Ní mór do gach eagraíocht a fhaigheann maoiniú doiciméad um nósanna imeachta airgeadais inmheánacha a bheith i bhfeidhm aici ina sonraítear na cleachtais agus na nósanna imeachta atá i bhfeidhm, chomh maith le cé atá freagrach astu.

Faisnéis agus Cuntais Airgeadais

Ní mór don tairbhí leabhair chuntais chúí a choinneáil chun idirbhearta laethúla na heagraíochta a thairfeadh. Ba chóir go mbeadh taifead sna leabhair agus sna taifid ar an ioncam go léir a fuarthas agus ar na híocaíochtaí go léir a rinneadh; is iad seo bunús na gcuntas airgeadais.

Sonraí Monatóireachta a Thairfeadh

Ní mór don tairbhí taifid a choinneáil chun tacú le baint amach spriocanna táscaire agus a bheith in ann an fhaisnéis iarrtha seo a sholáthar do na hÚdaráis Náisiúnta agus AE is iomchuí. Éileofar ar thionscadaíl athbhreithniú a dhéanamh ar an doiciméadacht is gá chun a dheimhniú go bhfuil gníomhaíochtaí incháilithe do thionscadal CSI, agus cóip den doiciméad/de na doiciméid sin a choinneáil chun críocha fóraithe.

Beartas cionroinnte

Aithnítear nach bhféadfadh maoiniú CSI a chuirtear ar fáil ach eilimint amháin de mhaoiniú gníomhaíochtaí na heagraíochta a léiriú. Ceadáítear cionroinnt chostais chomhroinnte riaracháin, costais bhainistíochta agus forchostais ar choinníoll go bhfuil polasaí cionroinnte cothrom ann a leithdháileann costais ar bhonn pro rata.

Taisteal & Cothabháil

Moltar duit beartas um Thaisteal agus Cothabháil a chur i bhfeidhm ina gcuirtear teorainn leis na méideanna is iníoctha le haghaidh taistil agus cothaithe de réir rátaí taistil agus cothaithe na Seirbhíse Sibhialta, nó níos ísle.

5. Ceanglais faireacháin, fíoraithe agus tuairiscithe tionscadail

5.1 *Monatóireacht Tionscadail*

Is éard atá i gceist le monatóireacht ná próiseas lena ndéantar taifeadadh agus tuairisciú rialta ar fhaisnéis faoi rannpháirtithe agus faoi ghníomhaíochtaí d'fhonn:

- A léiriú an dul chun cinn atá á dhéanamh ag gach Tairbhí maidir le seachadadh an tionscadal nó an tseirbhís a thuairiscítear sa Chomhaontú Deontais;
- A chinntiú go n-úsáidtear na cistí atá leithdháilte chun na críche atá beartaithe dóibh; agus
- Sonraí a sholáthar ar féidir leis an Údarás Bainistíochta a chomhiomlánú agus a anailísiú chun faisnéis a ghiniúint ar mhéid, luach agus tionchar foriomlán an chláir.

Ceanglaítear ar gach tionscadal tuairisceáin rialta a aigniú chuig an Údarás Bainistíochta de réir an chomhaontaithe deontais agus táthar ag súil go ndéanfaidh siad sonraí a thaifeadadh trí chóras bogearraí TF ar a dtugtar “EPPM”:

- Faisnéis airgeadais, ina sonraítear an caiteachas ar an tionscadal, ag baint úsáid as bileoga oibre teimpléid a chuirfear ar fáil;
- Faisnéis oibríochtúil, ina leagtar amach na héachtaí i gcomparáid leis an bplean don tionscadal, ag baint úsáid as bileoga oibre teimpléid a chuirfear ar fáil;
- Ní mór Cuntais Iniúchta Bliantúla nó, i gcásanna ina bhfuil díolúine iniúchta i bhfeidhm, Cuntas Ioncaim agus Caiteachais agus Ráiteas Sócmhainní agus Dlíteanas a sholáthar ar iarratas.

5.2 *Tuarascálacha Coiteanna um Fhaireachán agus Meastóireacht*

Iarrfar ort faisnéis a sholáthar le haghaidh tuarascála meastóireachta nó tuarascálacha meastóireachta le linn thimthriall clársceidealaithe 2021-2027.

5.3 *Fíoruithe Bhainistíochta*

Déanfar fíoruithe deisce agus fíoruithe ar an láthair (fógartha agus neamhfhógartha araon) ar oibríochtaí i leith tionscadal maoinithe.

5.3.1 **Fíoruithe/rialuithe Riaracháin Deiscebhunaithe**

Déanfar fíoruithe riaracháin i leith gach tuarascáil airgeadais ráithiúil a chuirtear faoi bhráid an Údaráis Bainistíochta. Is éard is fíoruithe deisce athbhreithniú iomlán ar na doiciméid tacaíochta scanta (amhail sonraisc, cruthúnais íocaíochta, admhálacha, slipeanna pá, cláir ama, agus cruthúnais seachadta agus sonraí earcaíochta/soláthair).

5.3.2 **Fíoruithe ar an láthair**

Tá sé mar aidhm ag fíoruithe ar an láthair cur i bhfeidhm agus dul chun cinn an tionscadail a fhíorú ar an láthair. Le seiceálacha ar an láthair deimhnítear go bhfuil seachadadh an táirge nó na seirbhíse i gcomhréir le téarmaí agus coinníollacha an Chomhaontaithe Deontais, agus go bhfuil an tairbhí ag soláthar faisnéise cruinn maidir le cur i bhfeidhm fisiciúil agus airgeadais

na hoibríochta. Úsáidtear iad freisin chun a chinntiú go bhfuil an Tairbhí ag cloí le ceanglais phoiblíochta an CSI.

6. Aguisín I

 Tag. Ares(2019)7896264 - 23/12/2019

An Fiche Clársceidealaithe Éire

Ciste Slándála Inmheánaí (CSI)

Tosaíochtaí amach anseo

Cuspóir sonrach 1 - malartú faisnéise a mhéadú idir údaráis forfheidhmithe dlí an Aontais agus údaráis inniúla eile agus comhlachtaí iomchuí eile de chuid an Aontais chomh maith le tríú tíortha agus eagraíochtaí idirnáisiúnta

Tosaíochtaí reatha nó cineálacha gníomhartha sa Chlár Náisiúnta a d'fhéadfaí a leanúint faoin gcuspóir sonrach seo

- Córais éifeachtacha a chruthú le haghaidh malartú faisnéise idir na gníomhaithe náisiúnta ábhartha uile, tíortha comharsanacha, Ballstáit eile den AE, gníomhaireachtaí AE agus eagraíochtaí idirnáisiúnta.

Saincheisteanna beartais (in ord tosaíochta) ar cheart aghaidh a thabhairt orthu amach anseo faoin ábhar sonrach seo
cuspoir

Córais Faisnéise

- Cur i bhfeidhm iomlán agus aonfhoirmeach acquis an Aontais maidir le malartú faisnéise tacaíochta slándála (e.g. Prüm, PNR, SIS II (na póilíní) nó i ndáil le sonraí Europol) a áirithiú.
- Pointe Teagmhála Aonair a bhunú le haghaidh comhair idirnáisiúnta póilíneachta i malartú agus i mbainistiú faisnéise coiriúla a bhaineann le coireacht trasteorann.
- Córais nó gléasanna náisiúnta TF a bhunú agus a oiriúnú chun nasc éifeachtach le córais faisnéise agus líonraí cumarsáide iomchuí an Aontais a áirithiú, lena n-áirítear a n-idir-inoibritheacht.
- Uirlisí iomchuí a fháil, a choigeartú nó a fhorbairt chun aghaidh a thabhairt ar bhearnaí a sainaithníodh in ailtireacht faisnéise an AE, mar shampla leis an aidhm rochtain ar líonra oibríochtúil slán Europol a leathnú chuig na húdarais inniúla iomchuí uile ag an leibhéal rúndachta a cheanglaítear de réir chineál an chomhair, agus bonneagar nascachta a fheabhsú ionas go bhféadfaí táirgí agus seirbhísí Europol SIENA, EIS, QUEST a rolladh amach níos faide ná Aonaid Náisiúnta Europol, go háirithe chuig Oifigí um Aisghabháil Sócmhainní agus Aonaid Faisnéise Paisinéirí;
- Na córais TF iomchuí a bhunú agus a oiriúnú chun aghaidh a thabhairt ar thosaíochtaí iomchuí agus tosaíochtaí amach anseo de chuid an Aontais, (mar shampla: cur chuige aonfhuinneog chun sonraí API agus PNR a bhailiú, uirlisí intleachta saorga a ghlacadh chun PNR a phróiseáil, líonraí cumarsáide a fhorbairt chun PNR a mhalartú ar leibhéal an AE agus an idir-inoibritheacht leis na córais agus na bunachair shonraí Eorpacha (agus idirnáisiúnta) éagsúla atá ábhartha chun PNR a phróiseáil agus an nasc leo)
- Comhéadan sreabha oibre bunaithe ar UMF a chruthú le córais phróiseála náisiúnta chun malartú faisnéise uathobrithe agus obair leantach ar thorthaí a cheadú agus UMF a dhéanamh mar an caighdeán Eorpach le haghaidh malartuithe sonraí;
- Luchtóirí Sonraí EIS a thabhairt isteach/a nuashonrú, lena n-áirítear Luchtóirí Sonraí den Ghlúin Nua (bunaithe ar UMF, agus an fhéidearthacht ann sonraí a sholáthar le haghaidh anailíse freisin);
- Comhtháthú QUEST le córas cuardaigh aonair náisiúnta d'fhonn rochtain/cuardach sonraí Europol a éascú, lena n-áirítear an tionscadal píolótach atá le teacht ar QUEST+ agus uathobriú cuardaigh (QUEST) agus próiseas leantacha amas (seirbhís gréasáin SIENA);
- Uasghrádaigh go SIENA CONFIDENTIAL go háirithe (ach ní hamháin) i gcás Aonaid CT;
- Tacú le comhtháthú sheirbhís gréasáin SIENA le córais náisiúnta bainistíochta cásanna/teachtaireachtaí agus go háirithe an comhtháthú isteach i bPointe Teagmhála Aonair 24/7 áit a bhfuil biúróna SIRENE agus INTERPOL BNC lonnaithe freisin;
- Rochtain na n-údarás forfheidhmithe dlí ar an Tairseach Cuardaigh Eorpach (ESP) agus ar na Córais Faisnéise Eorpacha ar mhórsála (SIS, VIS, Eurodac, EES, ETIAS, ECRIS-TCN) a chur i bhfeidhm agus a uasghrádú, agus á thabhairt faoi deara go mbeifear in ann QUEST+ a chur ar fáil trí ESP (de réir an Rialacháin Idir-inoibritheachta);

- Uasghrádú a dhéanamh ar chumais na mBallstáit maidir le Bainistíocht Céannachta & Rochtana, go háirithe ós rud é go soláthraíonn Europol slándáil il-leibhéil (BPL, EU-REST agus EU-CONF).

Cibearchoireacht

- Cumais a fhorbairt chun déileáil le fianaise chriptithe trí réitigh agus dea-chleachtais a fhorbairt agus a chomhroinnt trí rannpháirtíocht i líonra pointí saineolais criptithe Europol.
- Rannpháirtíocht na ndéantóirí forfheidhmithe dlí i gcomhlachtaí caighdeánaithe 5G a chothú agus dlúthchomhar a fhorbairt idir na heagraíochtaí forfheidhmithe dlí agus soláthraithe teicneolaíochta/oibreoirí teileachumarsáide ábhartha, chun go gcuirfear sásraí idircheaptha dleathacha i bhfeidhm go tráthúil i líonraí 5G.
- A chinntiú go bhfuil córais i bhfeidhm chun sonraí staitistiúla a thairgeadh, a tháirgeadh agus a sholáthar lena dtomhaistear céimeanna tuairiscithe, imscrúdaitheacha agus breithiúnacha na cibearchoireachta, i gcomhréir le hAirteagal 18 de Threoir (AE) 2019/713 agus Airteagal 14 de Threoir 2013/40/AE.
- A chinntiú go bhfuil na dlíthe, na rialacháin agus na forálacha riaracháin is gá i bhfeidhm chun cloí le Treoir 2013/40/AE maidir le hionsaithe i gcoinne córas faisnéise.
- A chinntiú go bhfuil na dlíthe, na forálacha riaracháin agus na próisis theicniúla is gá i bhfeidhm chun go bhféadfar troid go héifeachtach i gcoinne mí-úsáid ghnéasach leanaí. Go háirithe, ní mór na bearta riachtanacha a bheith i bhfeidhm chun go bhféadfar faisnéis a tharchur maidir le ciontuithe coiriúla a bheith ann i leith aon chionta dá dtagraítear in Airteagail 3-7 de Threoir 2011/93/AE maidir le mí-úsáid ghnéasach agus saothrú gnéasach leanaí a chomhrac, nó maidir le haon dícháiliú ó ghníomhaíochtaí a fheidhmiú lena mbaineann teagmháil rialta agus dhíreach le leanaí a eascraíonn as ciontuithe coiriúla den sórt sin. Ní mór an tarchur a dhéanamh i gcomhréir leis na nósanna imeachta a leagtar amach i gCinneadh Réime 2009/315/CGB ón gComhairle maidir le heagrú agus ábhar malartaithe faisnéise a bhaintear as an taifead coiriúil idir na Ballstáit nuair a iarrtar sin faoi Airteagal 6 den Chinneadh Réime sin le toiliú an duine lena mbaineann.

Coireacht Eagraithe

- A chinntiú go gcuirfear i bhfeidhm go hiomlán **Treoir 2019/1153 maidir le rochtain ag lucht forfheidhmithe an dlí ar fhaisnéis airgeadais chun coireanna tromchúiseacha a chomhrac**. De bhua na Treorach, ní mór d'Éirinn **rochtain dhíreach** ar an gclárann cuntas bainc láraithe nó ar an gcóras aisghabhála sonraí leictreonach a sholáthar do na húdaráis inniúla náisiúnta ainmnithe agus don Oifig um Aisghabháil Sócmhainní faoin **1 Lúnasa 2021**. Is fiú a thabhairt faoi deara nach bhfuil aon chlárann ná córas oibríochtúil in Éirinn faoi láthair.
- Cumas oibríochtúil na nOifigí um Aisghabháil Sócmhainní náisiúnta a neartú, go háirithe trí rochtain dhíreach a thabhairt dóibh ar na bunachair shonraí náisiúnta iomchuí (e.g. taifid choiriúla, cláranna cuideachtaí, cláranna feithiclí, cláranna talún, cláranna muirí).
- Feabhas a chur ar an gcumas oibríochtúil chun sócmhainní reoite agus coigistithe a bhainistiú trí, mar shampla, Oifig Bainistíochta Sócmhainní a bhunú, nó trí chumais na hOifige Bainistíochta Sócmhainní atá ann cheana féin, nó meicníocht choibhéiseach, a neartú.
- Bunachair sonraí náisiúnta a bhunú nó a neartú chun sócmhainní reoite a chlárú.

Frith-Éilliú

- Sreabhadh faisnéise idir gníomhaithe institiúideacha sna Ballstáit (comhlachtaí forfheidhmithe dlí, iniúchóireachta agus rialaithe, Aonad Faisnéise Airgeadais, údarais chánach, údarais iomaíochta, comhlachtaí ionchúisimh) a éascú agus a shruthlíniú d'fhonn braiteadh agus imscrúdú cásanna casta éillithe agus coireachta eacnamaíochta a éascú.

Airm Tine

- Tacú le bunú pointe fócais náisiúnta maidir le hairm tine chun anailís níos fearr a dhéanamh ar an bhfaisnéis uile atá ar fáil i réimse na n-arm tine aindleathach, rannpháirtíocht iomlán a áirithiú i malartú faisnéise le Europol i réimse na gáinneála arm tine, gníomhú mar stór faisnéise a bhaineann le hairm tine, idir choiriúil agus bhailistíoch, agus mar stór do gach arm tine caillte, goidte agus aisghafa.

Smuigleáil imirceach

- Gníomhaíochtaí oiliúna i ndáil le réimse na smuigleála imirceach ar an leibhéal náisiúnta don lucht dlí agus d'oifigigh bhreithiúnacha.

- A chinntiú go mbeidh acmhainní ann chun leas breise a bhaint as deiseanna a chuireann Gníomhaireachtaí an AE agus comhpháirtithe atá rannpháirteach i dTimthriall Beartais EMPACT ar fáil.

Moltaí le haghaidh na torthaí inmhianaithe

- Cur i bhfeidhm aonfhoirmeach acquis an Aontais maidir le malartú faisnéise slándála a thacaíonn le malartú (e.g. Prüm, PNR, SIS II) a áirithiú. Úsáid mhéadaithe a bhaint as córais faisnéise agus líonraí cumarsáide a bhaineann le slándáil an AE.
- Rochtain níos tapúla ar fhaisnéis airgeadais agus ar fhaisnéis iomchuí eile a sholáthar do na húdaráis inniúla agus éifeachtacht imscrúduithe airgeadais ar choireacht thromchúiseach a fheabhsú.
- Aghaidh a thabhairt, más infheidhme, mar thoradh ar an Seimeastar Eorpach, ar na moltaí tírshonracha sin a bhaineann le príomhthosaíochtaí beartais slándála, go háirithe an comhrac i gcoinne an éillithe agus sciúradh airgid.

Cuspóir sonrach 2 - oibríochtaí comhpháirteacha trasteorann a dhianú i measc údarais forfheidhmithe dlí an

Aontais agus údarais inniúla eile agus laistigh díobh i ndáil le coireacht thromchúiseach agus eagraithe a bhfuil gné thrasteorann ag baint léi

Tosaíochtaí reatha nó cineálacha gníomhartha sa Chlár Náisiúnta a d'fhéadfaí a leanúint faoin gcuspóir sonrach seo

- Páirt a ghlacadh i ngníomhaíochtaí comhpháirteacha trasteorann ar an leibhéal idirnáisiúnta.

Saincheisteanna beartais (in ord tosaíochta) ar cheart aghaidh a thabhairt orthu amach anseo faoin ábhar sonrach seo cuspóir

Comhoibriú Forfheidhmithe Dlí

- Úsáid foirne comhpháirteacha imscrúdaithe, oibríochtaí comhpháirteacha agus sásraí eile comhair oibríochtúil a éascú agus a fheabhsú i gcomhthéacs Thimthriall Beartais an AE (EMPACT), le béim ar leith ar oibríochtaí trasteorann.
- Anailísí comhpháirteacha ar bhagairtí/riosca a fhorbairt chun oibríochtaí nó patróil chomhpháirteacha a spriodhíriú níos fearr, agus iarratais a dhéanamh ar chórais faisnéise le sonraí alfa-uimhriúla agus bithmhéadracha san áireamh.
- Gníomhaíochtaí oiliúna agus feasachta a fhorbairt chun feabhas a chur ar chumais na foirne atá ag obair in Aonaid Faisnéise Paisinéirí (PIUnna) atá freagrach as sonraí PNR a phróiseáil chun anailís chomhpháirteach agus gníomhaíochtaí spriodhírite comhpháirteacha a dhéanamh.
- Tacú le rannpháirtíocht sa Tascfhórsa Comhpháirteach Cibearchoireachta, trí oifigeach idirchaidrimh tiomnaithe cibearchoireachta a chur ar iasacht ag Europol.

Mí-úsáid ghnéasach leanaí

- Comhar trasteorann éifeachtach a chumasú sa chomhrac i gcoinne mí-úsáid ghnéasach leanaí, lena n-áirítear in imscrúduithe agus malartú an dea-chleachtais. Ba cheart comhar trasteorann a chumasú ar leibhéal domhanda freisin, i gcomhréir le gealltanais na mBallstát mar chuid den Chomhghuaillíocht Dhomhanda We Protect chun Deireadh a chur le Saothrú Gnéasach Leanaí Ar Líne.

Calaois agus góchumadh modhanna íocaíochta neamhairgid

- Pointí teagmhála tiomnaithe a chruthú le haghaidh calaoise agus góchumtha modhanna íocaíochta neamhairgid, d'fhonn cur i bhfeidhm Airteagal 14(1) de Threoir (AE) 2019/713 a ullmhú.

Coireacht Eagraithe

- Comhordú agus comhar údarais forfheidhmithe dlí agus údarás inniúil eile a dhéileáil le coireacht eagraithe a mhéadú, mar shampla trí líonraí d'aonaid náisiúnta speisialaithe, líonraí agus struchtúir chomhair an Aontais, nó ionaid barr feabhais an Aontais.
- Maoiniú a sholáthar le haghaidh tacaíochta oibríochtúla in imscrúduithe casta ardphróifíle a éilíonn saineolas coiriúil an-speisialaithe, go háirithe tacaíocht do rannpháirtíocht na mBallstát i

dTascfhórsaí Oibríochtúla chun Spriocanna Ardluacha a chuireann an riosca is airde do shlándáil inmheánach an AE a shaináithint.

- Malartú staitisticí coireachta an AE a mhéadú ar bhealach comhchuibhithe leis an bhféidearthacht bunachar sonraí staitisticí CRIM AE a chruthú (d'fhéadfadh bunachar sonraí ar roinnt feiniméan cabhrú linn na bagairtí agus na rioscaí a shainiú níos fearr).
- Cúnamh a leathnú chuig saineolas fóiréinseach den scoth, mar shampla imscaradh comhairleoirí oirbheartaíochta fóiréinseacha digiteacha; tacaíocht mhórsála atá ag teastáil ó thaobh na teicneolaíochta de ar an talamh; éadáil líonra/fóiréinseach scamall/fóiréinseach beo, etc. imscaradh teicneolaíochtaí amhail ANPR, aerfheithiclí gan foireann nó gléasanna cumarsáide soghluaiste,

Gáinneáil ar Dhaoine

- Díriú ar gháinneáil ar dhaoine a chosc, trí dhul i ngleic leis an saoirse ó phionós a chothaíonn an choireacht, agus trí iarrachtaí náisiúnta agus trasnáisiúnta a fheabhsú chun imscrúduithe, ionchúiseamh agus ciontuith na gciontóirí uile a mhéadú.

Frith-Éilliú

- Comhar agus comhordú oibríochtúil a éascú i measc údaráis forfheidhmithe dlí agus údaráis ábhartha eile i mBallstáit an AE agus ina measc agus le gníomhaireachtaí ábhartha agus údaráis tríú tíortha chun imscrúdú níos éifeachtaí a dhéanamh ar chásanna éillithe trasteorann.
- Malartú faisnéise agus oiliúint a éascú maidir leis na cleachtais is fearr agus cásanna éillithe trasteorann á n-imscrúdú.

Drugaí

- Feabhas a chur ar chomhar oibríochtúil idir na Ballstáit agus le Europol agus leis an EMCDDA chun cur isteach ar mhargadh na ndrugaí aindleathacha, agus treocheartaí reatha á gcur san áireamh.
- Sásraí náisiúnta bailiúcháin sonraí maidir le táscairí soláthair drugaí agus láithreáin táirgthe drugaí a fheabhsú agus a chomhchuibhiú.
- Feabhas a chur ar acmhainní faireacháin agus oibríochtúla i gcomhar le EUROPOL agus EMCDDA i gcoinne gáinneáil agus dáileadh drugaí trí úsáid a bhaint as ardáin ar líne amhail na meáin shóisialta, suíomhanna gréasáin, margaí an Darknet, lena n-áirítear freagairtí nua a fhorbairt chun dul i ngleic leis an mbagairt a bhaineann le gáinneáil trí sheachadadh poist agus beartán, lena n-áirítear trí eintitis seachadta beartán neamhfhoirmiúla.
- Freagairt níos fearr do mhargadh drugaí domhandaithe trí chomhpháirtíochtaí a neartú idir údaráis na mBallstát, eagraíochtaí idirnáisiúnta, tríú tíortha agus leis an tionscal, chomh maith le gníomhartha oibríochtúla a shaináithnítear faoi idirphlé an AE maidir le drugaí le tríú tíortha.
- Rannchuidiú le laghdú intomhaiste ar an éileamh ar dhruagaí a mhéid a bhaineann le cosc.

Airm Tine

- Feabhas a chur ar chomhar oibríochtúil chun dul i ngleic le gáinneáil arm tine feadh bhealaí gáinneála arm tine, go háirithe tríd an gcomhar oibríochtúil i measc údaráis forfheidhmithe dlí a neartú agus eolas, braite, imscrúdú agus ionchúiseamh a fheabhsú trí uirlisí imscrúdaitheacha tiomnaithe a úsáid (i.e. seachadtaí rialaithe, tóir, tapáil etc.).

Smuigleáil imirceach

- Áirithiú a dhéanamh ar acmhainní chun comhar éifeachtúil a cheadú idir Údaráis Áitiúil (LEAanna) Bhallstáit an AE agus Gníomhaireachtaí Forfheidhmithe Dlí Tríú Tíortha, lena n-áirítear le Foirne Comhphárteacha um Imscrúdú/COPanna.
- Áirithiú a dhéanamh ar acmhainní chun go mbeidh úsáid mhéadaithe á baint as tacaíocht Eurojust do Fhoirne Comhphárteacha um Imscrúdú (le tíortha den AE agus tíortha nach tíortha den AE iad) i réimse na smuigleála imirceach.

Moltaí le haghaidh na torthaí inmhianaithe

- Líon méadaithe de ghníomhartha comhphárteacha trasteorann a fhaigheann tacaíocht ón gCiste. Comhar oibríochtúil feabhsaithe údarás LE trí líonraí trasnáisiúnta.

- Aghaidh a thabhairt, más infheidhme, mar thoradh ar an Seimeastar Eorpach, ar na moltaí tír-shonracha sin a bhaineann le príomhthosaíochtaí beartais slándála, go háirithe an comhrac i gcoinne an éillithe agus sciúradh airgid.

Cuspóir sonrach 3 - tacú le hiarrachtaí chun na cumais a neartú i ndáil le dul i ngleic leis an agus cosc a chur ar choireacht lena n-áirítear sceimhlitheoireacht go háirithe trí chomhar méadaithe idir údaráis phoiblí, an tsochaí shibhialta agus comhpháirtithe príobháideacha ar fud na mBallstát

Tosaíochtaí reatha nó cineálacha gníomhartha sa Chlár Náisiúnta a d'fhéadfaí a leanúint faoi an cuspóir sonrach seo

- Gníomhartha frith-radacaithe.
- Cumais na n-údarás inniúil a fhorbairt chun coireacht a bhrath agus a chomhrac.
- Cláir oiliúna.

Saincheisteanna beartais (in ord tosaíochta) ar cheart aghaidh a thabhairt orthu amach anseo faoin ábhar sonrach seo

Cuspóir

Comhoibriú/Oiliúint i bhForfheidhmiú an Dlí

- Chun oiliúint (comhpháirteach) forfheidhmithe dlí, cleachtaí, foghlaim fhrithpháirteach, cláir mhalartaithe speisialaithe agus comhroinnt dea-chleachtas a mhéadú, lena n-áirítear i dtrú tíortha agus leo agus le gníomhaithe ábhartha eile, i gcomhar le CEPOL agus i gcomhréir leis an Anailís ar Riachtanais Oiliúna Straitéiseacha nuair is infheidhme.
- Oiliúint a mhéadú, dea-chleachtas (lena n-áirítear gníomhaireachtaí an Aontais, amhail CEPOL agus Europol, chomh maith le tionscal na n-aeriompróirí agus gníomhaithe ábhartha eile) a mhalartú maidir le forbairt córas PNR agus malartú sonraí PNR.
- Chun tionscadail oiliúna a dhíriú ar na tosaíochtaí beartais seo a leanas faoi gach réimse coireachta: faisnéis foinse oscailte, bailiú sonraí, anailís agus cur i bhfeidhm; imscrúduithe airgeadais, sreafaí airgid, baincéireacht mhalartach, etc.; gnéithe d'imscrúduithe cibearshrutha, an líonra dorcha agus fianaise leictreonach; calaois doiciméad; cearta bunúsacha agus cearta daonna; cosc coireachta; réimsí faoi seach den fhóiréinsic; naisc idir réimsí éagsúla coireachta; agus an Béarla, téarmaíocht ghairmiúil shonrach.
- Chun tacú le forbairt Aonaid Náisiúnta CEPOL le hacmhainní leordhóthanacha chun a chinntiú go sroicheann oiliúint Fhorfheidhmiú an Dlí na comhlachtaí Forfheidhmiúcháin Dlí ábhartha go léir.
- Chun sineirgí a shaothrú trí acmhainní agus eolas a chomhthiomsú i measc na mBallstát agus gníomhaithe ábhartha eile, lena n-áirítear an tsochaí shibhialta, trí, mar shampla, ionaid chomhpháirteacha barr feabhais a chruthú, measúnuithe comhpháirteacha riosca a fhorbairt, nó ionaid chomhpháirteacha tacaíochta oibríochtúla le haghaidh oibríochtaí a dhéantar go comhpháirteach.
- Chun acmhainneachtaí anailíseacha a mhéadú go háirithe ó ghléasanna soghluaiste.
- Chun struchtúir ildisciplíneacha frithchoireachta leordhóthanacha a chinntiú chun déileáil le grúpaí coireachta eagraithe ilchoiriúla atá ag méadú agus a bhíonn ina mbagairt i stíl an mhaifia go minic. Ba cheart don chineál ildisciplíneach seo dul níos faide ná gnéithe forfheidhmithe dlí amháin agus comhar leis an earnáil phríobháideach agus le tríú tíortha a áireamh, agus é a thabhairt ar aghaidh feadh an tslabhra phionósaigh ar fad. Ba cheart an cur chuige ildisciplíneach a léiriú freisin i soláthar acmhainní chun a chinntiú go mbailítear sonraí go tráthúil ar staitisticí ceartais choiriúil arna mbailiú ag Eurostat (e.g. smuigleáil imirceach) - lena n-áirítear bailiú tras-earnálacha ó údaráis éagsúla amhail na póilíní, ionchúiseamh, cúirteanna, príosúin.
- Liosta d'ateangairí agus d'aistritheoirí iontaofa a bhunú ar an leibhéal náisiúnta/réigiúnach chun tacú le hobair leantach imscrúdaitheach agus bhreithiúnach i gcás coireanna trasteorann.

Cosc ar radacú

- Athshlánú, ath-lánpháirtíú agus dí-radacú: Comhar ilghníomhaireachta idir eagraíochtaí comhpháirtíochta ábhartha, d'fhonn athshlánú, ath-lánpháirtíú agus bainistíocht riosca daoine radacaithe (lena n-áirítear tar éis dóibh a bheith scaoilte saor) a chur chun cinn, agus fócas á chur freisin ar throdaithe sceimhlitheoireachta eachtracha agus a dteaghlaigh atá ag fillleadh. Áirítear leis seo cláir scoir agus cláir oiliúna speisialaithe do ghairmithe agus do chomhpháirtithe pobail.

- Dul i ngleic le bolscaireacht antoiseach agus sceimhlitheoireachta ar líne trí chumais a neartú chun ábhar sceimhlitheoireachta a bhrath agus a atreorú agus comhordú a dhéanamh le Europol; tacú le forbairt insintí malartacha agus frithinsintí chomh maith le cumais chumarsáide straitéiseacha.
- Cur chuige áitiúil agus ilghníomhaireachta: Tacaíocht do riaracháin agus do thionscnaimh áitiúla agus réigiúnacha, go háirithe chun straitéisí coisctheacha áitiúla, pleananna gníomhaíochta, comhoibríthe i measc geallsealbhóirí ábhartha agus gníomhartha eile chun acmhainn a fhorbairt.
- Idé-eolaíocht agus polaraíocht: Aghaidh a thabhairt ar gach cineál antoiseachais fhoréignigh, lena n-áirítear antoiseachas na heite deise. Obair le pobail (oiliúint agus oideachas sibhialta do cheannairí reiligiúnacha), tacú le húdaráis áitiúla plean gníomhaíochta a fhorbairt chun déileáil le láithreachtaí grúpaí antoiseacha áitiúla, tacú le feachtais faisnéise agus feasachta maidir le conas fuathchaint agus bagairtí a thuairisciú ar líne agus i bpobail áitiúla, idirphlé leis na meáin a spreagadh maidir le tuiscint choiteann ar thuairisciú freagrach ar fhoréigean antoiseach agus ar ghrúpaí antoiseacha.
 - Brath luath, comharthaí an radacaithe a shainithint, an athléimneacht a neartú, fócas pobail, cur chuige ilghníomhaireachta.

An saoránach agus bonneagair a chosaint

- Cosaint spásanna poiblí: d'fhéadfadh na gníomhartha seo a leanas a bheith i gceist: comhar feabhsaithe idir an pobal agus an phríobháid; cosaint fheabhsaithe i gcoinne bagairtí ó Fheithiclí Aeir Gan Fhoireann agus bagairtí eile atá ag teacht chun cinn; trealamh braite, lena n-áirítear trealamh soghluaiste, a fháil agus a úsáid maidir le bagairtí ceimiceacha, bitheolaíochta, radaíolaíochta, núicléacha agus pléascán (CBRN-E).
- CBRN-E: d'fhéadfadh na gníomhartha seo a leanas a bheith san áireamh: 1) cur i bhfeidhm agus forfheidhmiú éifeachtach an Rialacháin nua maidir le réamhtheachtaithe pléascán, lena n-áirítear siopadóireacht rúndiamhra ar líne; uirlisí éagsúla chun feasacht a mhúscailt sa slabhra soláthair maidir le hoibleagáidí an Rialacháin agus a n-éifeachtacht a mheas; 2) acmhainní agus eolas a chomhthiomsú i measc na mBallstát, dea-chleachtais a roinnt, agus oiliúint agus cleachtaí a dhéanamh; 3) bearta chun slándáil foinsí radaighníomhacha a fheabhsú, lena n-áirítear uasghrádú ar chosaint fhisiciúil agus gníomhaíochtaí ardaithe feasachta.
- Aghaidh a thabhairt ar bhagairt ó dhaoine ar an taobh istigh: d'fhéadfadh seiceálacha cúlra a bheith san áireamh sna gníomhartha (go háirithe san eitleocht, ach freisin i ndáil le cosaint imeachtaí móra poiblí agus do phearsanra a bhfuil rochtain acu ar ábhair CBRN).
- Cosaint Bonneagair Chriticiúil: d'fhéadfadh na gníomhartha seo a leanas a bheith san áireamh: 1) anailís ar idirspéachais, leochaileachtaí agus éifeachtaí easghluaiseachta féideartha ar líonraí bonneagair chriticiúil, b'fhéidir i gcomhar le Ballstáit chomharsanacha. 2) bearta chun comhar agus tacaíocht d'oibreoírí bonneagair chriticiúil a fheabhsú, e.g. sásraí a bhunú le haghaidh idirphlé rialta idir údaráis agus oibreoírí, malartú faisnéise faoi bhagairtí agus teagmhais a éascú, oiliúint a chur ar fáil do fhoireann slándála oibreoírí, treoir nó dea-chleachtas maidir le caighdeáin slándála a scaipeadh, critéir chomhchoiteanna a bhunú le haghaidh measúnuithe riosca, nó cleachtaí a dhéanamh chun cosaint agus athléimneacht bonneagair chriticiúil a thástáil. 3) Athbhreithniú ar an staid reatha agus ar threochtaí amach anseo i gcur i bhfeidhm Threoir 2008/114 maidir le Bonneagair Chriticiúla Eorpacha agus go háirithe ar an gcuid maidir le Bonneagair Chriticiúla Eorpacha a aithint.

Maoiniú sceimhlitheoireachta a chomhrac

- Cumais a neartú i ndáil le himscrúduithe airgeadais frithsceimhlitheoireachta, trí theicnící imscrúdaithe airgeadais a fheabhsú agus iad a chur i bhfeidhm ar bhealach níos cuimsithí, trí mhodhanna a fhorbairt chun déileáil le táirgí agus seirbhísí airgeadais atá ag teacht chun cinn, agus trí oibríochtaí comhpháirteacha trasteorann a dhianú i measc fhorfheidhmiú an dlí san Aontas agus laistigh díobh agus i gcomhar le Europol, agus eintitis phríobháideacha. Féadfar béim ar leith a chur ar fheabhsú cumais chun imscrúduithe airgeadais a dhéanamh ar chriptea-airgeadraí nó ar shócmhainní fíorúla eile.

Drugáí

- Laghdaigh leochaileachtaí ag teorainneacha seachtracha trí fheabhas a chur ar anailís riosca agus ar phróifíliú, ar chomhroinnt faisnéise agus ar chur i bhfeidhm cur chuige cruthaithe ag calafoirt agus aerfoirt mhuirí.

- Feabhsú a dhéanamh ar acmhainn fhóiréinseach ar an leibhéal náisiúnta chun na bagairtí a bhaineann le nuálaíochtaí i modhanna táirgthe agus gáinneála drugaí a chinneadh agus aghaidh a thabhairt orthu.

Criptiú

- Tacaigh le hoifigigh LE chun go mbeidh siad in ann páirt a ghlacadh sna cúrsaí oiliúna arna bhforbairt ag ECTEG (Grúpa Eorpach Oiliúna agus Oideachais maidir leis an gCibearchoireacht) agus (i bhformhór na gcásanna) arna seachadadh ag CEPOL.

Cibearchoireacht

- Tacaigh le hoifigigh LE chun go mbeidh siad in ann páirt a ghlacadh sna cúrsaí oiliúna arna bhforbairt ag ECTEG (Grúpa Eorpach Oiliúna agus Oideachais maidir leis an gCibearchoireacht) agus (i bhformhór na gcásanna) arna seachadadh ag CEPOL lena n-áirítear Acadamh Cibearchoireachta CEPOL.
- Cláir oiliúna a threisiú/a fhorbairt bunaithe ar na hinniúlachtaí a bhfuil cur síos orthu i gCreat Inniúlachtaí Oiliúna an AE agus ar na tosaíochtaí oiliúna a sainaitníodh in Anailís Riachtanas Oiliúna Oibríochtúil CEPOL ar Chibearchoireacht. Moltar úsáid a bhaint as ábhair atá ar fáil (e.g. cúrsaí ECTEG).
- Ionad barr feabhais cibearchoireachta: dlúthchomhar a chothú idir údaráis forfheidhmithe dlí agus an lucht acadúil, d'fhonn cibearchoireacht a chosc agus a imscrúdú níos fearr, uirlisí imscrúdaitheacha a fhorbairt, oiliúint a riaradh agus cúrsaí tiomnaithe agus creidiúnú saineolaithe a fhorbairt.
- Ionad barr feabhais cibearchoireachta: dlúthchomhar a chothú idir údaráis forfheidhmithe dlí agus an lucht acadúil, d'fhonn cibearchoireacht a chosc agus a imscrúdú níos fearr, uirlisí imscrúdaitheacha a fhorbairt, oiliúint a riaradh agus cúrsaí tiomnaithe agus creidiúnú saineolaithe a fhorbairt.
- Ardáin a chinntiú/a fhorbairt/a fheabhsú chun coireanna a dhéantar ar líne a thuairisciú ar líne, go háirithe maidir le calaois agus góchumadh modhanna íocaíochta neamhairgid.
- Eintitis a fhorbairt/a bhunú atá in ann cabhrú le híospartaigh chibearchoireachta agus calaoise ar líne, go háirithe maidir le goid aitheantais, d'fhonn cur i bhfeidhm Airteagal 16 de Threoir (AE) 2019/713 a ullmhú.
- Cumasaigh forbairt agus cur i bhfeidhm beart chun mí-úsáid ghnéasach agus saothrú gnéasach leaná a chosc, lena n-áirítear trí chomhpháirtíochtaí poiblí-príobháideacha agus comhoibriú leis an tsochaí shibhialta agus leis an lucht acadúil. Tá tábhacht ar leith ag baint le cláir chosctha chun athchiontú a chosc agus cláir do dhaoine a bhfuil eagla orthu go bhféadfadh siad cion gnéasach a dhéanamh in aghaidh leaná, agus, i gcoitinne, na bearta dá dtagraítear in Airteagail 21 go 24 de Threoir 2011/93/AE maidir le mí-úsáid ghnéasach agus dúshaothrú gnéasach leaná a chomhrac.

Coireacht Eagraithe

- Neartú a dhéanamh ar chumais maidir le coireacht eagraithe a imscrúdú agus fócas á chur ar Spriocanna Ardluacha.
- Cur i bhfeidhm an chur chuige riaracháin chun dul i ngleic le coireacht thromchúiseach agus eagraithe a mhéadú agus creat dlíthiúil a sholáthar chun go bhféadfar faisnéis riaracháin a mhalartú níos fearr thar theorainneacha.
- Neartú a dhéanamh ar na hacmhainneachtaí chun teicnící imscrúdaitheacha speisialta a fhorbairt agus a úsáid a bhaineann leis an gcomhrac i gcoinne na coireachta eagraithe.

Frith-Éilliú

- Cumas na n-údarás náisiúnta a fheabhsú, go háirithe an t-aonad frith-éillithe tiomnaithe sa Garda Síochána d'fhonn imscrúdú agus ionchúiseamh éillithe a fheabhsú trí oiliúint, cláir mhalartaithe speisialaithe agus comhroinnt dea-chleachtas d'fhonn cosc, brath agus cosc níos fearr a bhaint amach ar éilliú san earnáil phoiblí agus san earnáil phríobháideach.
- Tacú le gníomhaíochtaí na sochaí sibhialta i réimse an éillithe a chosc agus a bhrath.
- Feabhsú a dhéanamh ar bhailiúcháin sonraí staitistiúla náisiúnta maidir le cóireáil cásanna éillithe sa chóras ceartais choiriúil sna Ballstáit d'fhonn bonn fianaise níos fearr agus inchomparáide a bhaint amach le haghaidh ceapadh beartais.

Gáinneáil ar Dhaoine

- Áirítear ar na tosaíochtaí a bhaineann leis an gcomhrac i gcoinne gáinneáil ar dhaoine: cosc a chur ar gháinneáil ar dhaoine; aghaidh a thabhairt ar chultúr na saor ó phionós trí iarrachtaí náisiúnta agus

trasnáisiúnta chun imscrúduithe, ionchúiseamh agus ciontuithe gáinneálaithe a mhéadú; ba cheart íospartaigh na gáinneála ar dhaoine a áireamh mar shealbhóirí cearta chun a gcearta a fheidmiú go héifeachtach maidir lena gcúnamh, a dtacaíocht agus a gcosaint. Chuige seo tá a n-aitheantas luath tábhachtach.

Smuigleáil imirceach

- Struchtúir fhrithchoireachta ildisciplíneacha leordhóthanacha a chinntiú chun déileáil le grúpaí coireachta eagraithe ilchoiriúla atá ag méadú agus a bhíonn ina mbagairt i stíl an mhaifia go minic. Ba cheart don chineál ildisciplíneach seo dul níos faide ná gnéithe forfheidhmithe dlí amháin agus comhar leis an earnáil phríobháideach agus le trúy tíortha a áireamh, agus é a thabhairt ar aghaidh feadh an tslabhra phionósaigh ar fad.
- Na hacmhainní riachtanacha a shannadh ar an leibhéal náisiúnta (e.g. aonaid speisialaithe) chun comhar trasteorann réidh le comhghleacaithe i mBallstáit eile den Aontas a fheabhsú
- Feabhas a chur ar chomhoibriú leis an earnáil phríobháideach maidir le cosc a chur ar choireanna trasteorann agus obair leantach a dhéanamh orthu e.g. an earnáil airgeadais, asraonta meán sóisialta, soláthraithe seirbhísí cúiréireachta, comhroinnt faisnéise leis an earnáil iompair/iompróirí, etc.
- Ba cheart é seo a léiriú freisin i soláthar acmhainní chun a chinntiú go mbailítear sonraí go tráthúil ar staitisticí ceartais choiriúil a bhailíonn Eurostat (e.g. smuigleáil imirceach) – lena n-áirítear bailiú tras-earnálacha ó údaráis éagsúla amhaíl na póilíní, ionchúiseamh, cúirteanna, príosúin.
- Cumais náisiúnta chun calaois doiciméad a bhrath a mhéadú (go háirithe ag an teorainn aeir).
- Éilíonn na leochaileachtaí a sainaitníodh sa dá thimthriall is déanaí de mheasúnuithe leochaileachta arna ndéanamh ag an EBCGA díriú ar a chinntiú go bhfuil líon leordhóthanach foirne atá oilte go cuí (saineolaithe doiciméad), trealamh teicniúil iomchuí chun calaois doiciméad sofaisticiúil a bhrath agus saineolas fóiréinseach ar fáil.
- Gníomhaíochtaí oiliúna i réimse na smuigleála imirceach ar an leibhéal náisiúnta do lucht forfheidhmithe an dlí agus do na breithiúna (lena n-áirítear gníomhaíochtaí a bhaineann le calaois doiciméadach, imscrúduithe airgeadais agus ar líne agus comhar le trúy tíortha). Tríd an Anailís ar Riachtanais Oiliúna Straitéiseacha de chuid CEPOL, shainaithin na Ballstáit oiliúint a bhaineann le hÉascú Inimirce Neamhdhleathaí mar an tosaíocht is airde as 21 réimse coiriúil. Mar aon leis an Anailís níos sainiúla ar Riachtanais Oiliúna a dhíríonn go sonrath ar chomhar trasteorann chun aghaidh a thabhairt ar smuigleáil imirceach, léirigh sé seo na tosaíochtaí oiliúna seo a leanas ar an leibhéal náisiúnta a dhíríonn ar oifigigh forfheidhmithe dlí agus breithiúnacha chun:
 - Feabhas a chur ar scileanna Béarla i dteangacha iasachta chun comhar trasteorann a cheadú, agus cuirfear leis sin ar leibhéal Eorpach trí ghníomhaíochtaí sonracha oiliúna i dtéarmaíocht ghairmiúil
 - Eolas ar dheiseanna chun obair le tíortha nach tíortha den AE iad
 - Feasacht ar ról na meán sóisialta i smuigleáil imirceach agus na nósanna imeachta ábhartha (iarratas ar leathanaigh a bhaint anuas, nó a gcaomhnú chun críocha imscrúdaitheacha).

Taighde Slándála

- Modhanna nuálacha a fhorbairt nó teicneolaíochtaí nua a imscaradh i ndlúthchomhar leis an Líonra Eorpach na Seirbhísí Teicneolaíochtaí um Fhorfheidhmiú an Dlí (ENLETS): tástáil, bailíochtú agus leas a bhaint as toradh tionscadal taighde slándála atá maoinithe ag an Aontas chun uirlisí agus ionstraimí den scoth a fhorbairt agus a sholáthar do Ghníomhaireachtaí Forfheidhmithe an Dlí

Moltaí le haghaidh na torthaí inmhianaithe

- Tuilleadh clár oiliúna eagraithe d'oifigigh LE ar ábhair thrasteorann. Réitigh ghearrthéarmacha, mheántéarmacha agus fhadtéarmacha a sholáthar do na dúshláin a bhaineann le himscrúdú cibearchoireachta. Tionscnaimh a spreagadh chun an radacú a chosc.
- Thrasuigh Éire Treoir 2008/114 maidir le Bonneagair Chriticiúla Eorpacha ach níor shainaithin ná níor chláraigh sí aon Bhonneagair Chriticiúla Eorpacha. Ina theannta sin, níor ghlac Éire páirt go rialta i gcrúinnithe na bPointí Teagmhála um Chosaint Bonneagair Chriticiúil; chuirfí fáilte roimh rannpháirtíocht rialta. Bheadh sé úsáideach freisin feabhas a chur ar thuariscí ar Chosaint Bonneagair Chriticiúil mar a fhorordaítear le Treoir 2008/114.
- I gCosaint Bonneagair Chriticiúil, forbair cumas láidir freisin chun measúnuithe riosca a dhéanamh agus dul i mbun oibre le hoibreoirí príobháideacha, go háirithe chun comhairle slándála a sholáthar

- Aghaidh a thabhairt, más infheidhme, mar thoradh ar an Seimeastar Eorpach, ar na moltaí tír-shonracha sin a bhaineann le príomhthosaíochtaí beartais slándála, go háirithe an comhrac i gcoinne an éillithe agus sciúradh airgid.
- Cumais fheabhsaithe chun cibearchoireacht a chomhrac, e.g. trí oiliúint, forbairt nó oiriúnú uirlisí, comhoibriú (idir Gníomhaireachtaí Forfheidhmithe dlí agus le geallsealbhóirí eile), agus úsáid cumais atá ar fáil ag Europol (a d'fhéadfadh oiliúint agus naisc theicniúla a bheith ag teastáil ina leith).

Trácht eile

Toise seachtrach

Comhar le tríú tíortha maidir le gníomhaíochtaí frithsceimhlitheoireachta agus frithradacaíochta, comhar idir údarais forfheidhmithe dlí sa chomhrac i gcoinne na sceimhlitheoireachta, na ndrugaí agus na coiriúlachta chomh maith le comhar oibríochtúil chun dul i ngleic le gáinneáil ar dhaoine agus smuigleáil imirceach. I gcás inar gá, d'fhéadfaí cur i bhfeidhm a shamhlú ar roinnt bealaí e.g. tionscadail/cláir ad hoc, oifigigh idirchaidrimh, foirne imscrúdaithe speisialta.

Sinergí le Cistí eile

An Ciste um Thearmainn agus Imirce

D'fhéadfadh comhlántachtaí a bheith idir CSI agus an Ciste um Thearmainn agus Imirce maidir le himirce dhleathach i dtaca le gníomhartha a bhaineann leis an gcomhrac i gcoinne na gáinneála ar dhaoine agus smuigleáil imirceach, cosaint íospartach na gáinneála ar dhaoine agus cosc a chur ar radacú agus a chomhrac.

Maoiniú EURODAC/na coda slándála.

Ionstraim um Bainistíocht Teorann agus Víosáí

Gan aon rannpháirtíocht ag Éirinn san Ionstraim um Bainistíocht Teorann agus Víosáí.

Cistí Comhtháthaithe (Ciste Sóisialta na hEorpa Plus, CFRE, etc.)

Ciste Sóisialta na hEorpa Plus: gníomhartha chun dul i ngleic le radacú, cosaint íospartach, drugaí

Sa Chreat Airgeadais Ilbhliantúil 2014-2020, rinneadh aghaidh ar shaincheisteanna beartais drugaí den chuid is mó sa chaibidil frithdhrugaí den Chlár Ceartais (go príomha maidir le héileamh ar dhrugaí/sláinte phoiblí) agus sa Chiste Slándála Inmheánaí – Póilíneachta (go príomha maidir le soláthar drugaí/forfheidhmiú an dlí agus slándáil), i gcomhréir leis an dá cholún den bheartas drugaí: slándáil agus sláinte phoiblí. Cinneadh nach ndéileálfadh comharba an chlár reatha um Cheartas le haon ábhair a bhaineann le beartas drugaí. Díreoidh an Ciste Slándála Inmheánaí 2021-2027 amach anseo go príomha ar ghnéithe slándála an bheartais drugaí; áfach, táthar ag súil go dtabharfaidh comharba an Chlár Sláinte reatha – an Ciste Sóisialta Eorpach Plus – aghaidh ar ghnéithe sláinte poiblí an bheartais drugaí, lena n-áirítear seirbhísí sláinte d'othair i réimse na ndrugaí, laghdú díobhála agus cosc ar bhásanna a bhaineann le drugaí agus taighde ar ghnéithe eipidéimeolaíochta úsáid agus mí-úsáid drugaí. Níor cheart go mbeadh na bearta seo atá dírithe ar dhúshláin sláinte poiblí a bhaineann le drugaí aindleathacha cumhdaithe ag snáithe sláinte an Chiste Sóisialta Eorpach Plus amháin, ach ag na cláir chomhbhainistíochta/náisiúnta atá comh-mhaoinithe ag an gCiste Sóisialta Eorpach Plus freisin. Féadfaidh an Ciste Sóisialta Eorpach Plus tacú le gníomhaíochtaí atá dírithe ar aghaidh a thabhairt ar radacú trí chuimsiú gníomhach a chothú agus rochtain chomhionann ar oideachas agus oiliúint ardchaighdeán agus chuimsitheach agus trí chríochnú an oideachais agus na hoiliúna sin a chur chun cinn do ghrúpaí faoi mhíbhuntáiste agus trí rochtain ar fhostaíocht a fheabhsú, go háirithe, do dhaoine atá dífhostaithe go fadtéarmach agus do dhaoine neamhghníomhacha. D'fhéadfadh íospartaigh na coireachta leas a bhaint as bearta a bhfuil sé mar aidhm leo rochtain ar chúram fadtéarmach a fheabhsú. D'fhonn aghaidh a thabhairt ar bhunús na radacaithe, féadfaidh an CSE tacú le gníomhartha nuálaíochta sóisialta agus turgnaimh shóisialta trí straitéisí forbartha áitiúla faoi stiúir an phobail a dheardh agus a chur i bhfeidhm.

Ciste Forbraíochta Réigiúnaí na hEorpa: cosaint/dearadh spásanna poiblí, cibearshlándaíl, gníomhartha chun dul i ngleic le radacú, Bonneagar Criticiúil

D'fhéadfadh CFRE maoiniú a dhéanamh ar ghníomhartha a bhaineann le cosaint spásanna poiblí. Is féidir leis an CSI tionscadail bheaga a mhaoiniú, amhail comhtháthú nuálach slándála i ndáil le foirgnimh/spás poiblí nua a dhearadh agus ceannach córas teilifíse ciorcaid iata, bollaird coincreíte agus trealamh coisctheach eile, amhail córais slándála faisnéise agus cumarsáide atá athléimneach i gcoinne cibearionsaithe. Mar sin féin, tá an CFRE níos fearr in ann infheistíochtaí den sórt sin a dhéanamh ar an leibhéal réigiúnach agus áitiúil agus chun cur le hinfeistíochtaí bonneagair ina bhfuil an tslándáil ina príomhghné i ndearadh an spáis phoiblí.

Tabharfaidh an CFRE aghaidh ar inní cibearshlándaíla freisin agus digitíú FBManna agus fiontar mór á chur chun cinn agus réitigh TFC agus seirbhísí TF rialtais (bagairtí cibearchoireachta agus cibearchoireacht) á gcur chun cinn faoi chuspóir sonracha an CFRE: Tairbhí a bhaint as an digitíú do shaoránaigh, do chuideachtaí agus do rialtais (PO1). Tá bagairtí cibearshlándaíla ag méadú. Féadann siad cur isteach ar sholáthar seirbhísí riachtanacha (bonneagar criticiúil) amhail uisce, cúram sláinte, leictreachas, seirbhísí soghluaiste nó cailleanais shuntasacha airgeadais a ghiniúint, muinín úsáideoirí a lagú agus damáiste mór a dhéanamh don gheilleagar. Tá cibearchoireacht ar cheann de na cineálacha coireachta is mó fáis agus tá na rioscaí ag méadú go heaspóntúil. Mura bhfeabhsóimid an chibearshlándaíl go suntasach, méadóidh an riosca i gcomhréir leis an gclaochlú digiteach.

Is féidir leis an CFRE aghaidh a thabhairt freisin ar chosaint bonneagair ríthábhachtach (e.g. bonneagar iompair, stáisiúin chumhachta, ionaid sonraí, slándáil agus sábháilteacht ag aerfoirt agus córais bainistíochta aerthráchta etc.) faoi chuspóir sonracha maidir le córais fuinnimh chliste a fhorbairt (PO2) nó cuspóir sonracha maidir le TEN-T inbhuanaithe, athléimneach ó thaobh aeráide de, cliste, slán agus idirmhódúil a fhorbairt (PO3). Faoi PO 5, is féidir le CFRE aghaidh a thabhairt ar shlándaíl i gceantair uirbeacha agus i gceantair eile trí na cuspóirí sonracha seo a leanas freisin: forbairt shóisialta, eacnamaíoch agus chomhshaoil, oidhreacht chultúrtha agus slándáil a chothú i gceantair uirbeacha agus forbairt áitiúil shóisialta, eacnamaíoch agus chomhshaoil, oidhreacht chultúrtha agus slándáil a chothú, lena n-áirítear i gceantair thuaithe agus chósta, etc. Féadann sé cosc a chur ar radacú faoi bhearta comhtháthaithe shóisialta agus cosaint spásanna poiblí a chumhdach, mar shampla.

Ionstraimí Seachtracha (ICFCI agus IPA)

Leanfar de na gníomhaíochtaí seachtracha a chur i bhfeidhm mar chomhlántacht ar an ICFCI agus IPA arb iad na príomhuirlisí iad agus a fhanfaidh mar sin chun tacú leis an ngné sheachtrach de bheartas imirce agus slándála an Aontais. Tá na Ballstáit, trína gcláir náisiúnta, níos oiriúnaí chun tionscnaimh chomhair a chur chun cinn agus a chur i gcrích a chomhlánaíonn agus a neartaíonn gníomhaíochtaí a dhéantar ar leibhéal an AE. Mar shampla, nuair a bhíonn dea-chaidreamh déthaobhach ag Ballstáit le tríú tíortha, nuair a bhíonn leasanna agus saineolas nó líonraí sonracha i dtríú tír ar leith, nó nuair a bhíonn tionchar díreach ag cineál beartais shonraigh ar an mBallstát agus nuair a d'fhéadfadh comhar déthaobhach a bheith ag teastáil ina leith.

Ionstraim um Chomharsanacht, Forbairt agus Comhar Idirnáisiúnta (ICFCI): dul i ngleic le gáinneáil ar dhaoine agus le smuigleáil imirceach, tacaíocht a thabhairt do thionscnaimh réigiúnacha agus idirnáisiúnta a chuireann le slándáil, radacú a chosc agus a chomhrac

Is féidir le ICFCI tacú le gníomhartha i dtríú tíortha chun aghaidh a thabhairt ar bhunchúiseanna na himirce neamhrialta agus an dlíáithrithe éigeantaigh agus chun tacú le bainistíocht agus rialachas imirce. Ar an taobh eile den scéal, cuirfidh an CSI gné sheachtrach ar fáil a léireoidh go bunúsach síneadh ar bheartais slándála an AE. Díreoidh sé ar ghníomhartha a fhreastalaíonn go príomha ar thosaíochtaí slándála an AE.

Leis an ICFCI, beifear in ann an úsáid is fearr a bhaint as cláir gheografacha, agus forlíontar iad leis an gclár téamach Dúshlán Dhomhanda agus leis an gcolún freagartha mear. Féadfar maoiniú breise a shlógadh freisin i gcás gá ó chistí neamh-leithdháilte an mhaoláin dúshlán agus tosaíochtaí atá ag teacht chun cinn, rud a aithníonn brú imirce mar cheann de na príomhfhórais lena shlógadh. Tá sé mar aidhm ag na bearta a dtacaítear leo aghaidh a thabhairt ar gach gné den imirce agus den dlíáithriú éigeantach. Áirítear leis seo, mar shampla, aghaidh a thabhairt ar bhunchúiseanna na himirce neamhrialta agus an dlíáithrithe éigeantaí, an gháinneáil ar dhaoine agus smuigleáil imirceach a chomhrac, tacú le hath-imeascadh inbhuanaithe imirceach atá ag fillleadh, coinníollacha a chur chun cinn chun imirce dhleathach a éascú, comhar a mhéadú maidir le bainistíocht chomhtháite teorainneacha, cosaint agus réitigh atá bunaithe ar fhorbairt a áirithiú do dhaoine atá dlíáithrithe go foréigneach agus dá bpobail óstacha, tacú le tionscnaimh réigiúnacha agus idirnáisiúnta a

chuireann le slándáil, le cobhsaíocht agus le síocháin agus radacú a chosc agus a chomhrac as a dtagann antoisceachas foréigneach agus sceimhlitheoireacht.

Leanfaidh an Ciste Slándála Inmheánaí de thacaíocht a thabhairt do chomhar le trío tíortha maidir le gníomhaíochtaí frithsceimhlitheoireachta agus frithradacaíochta, comhar údarás forfheidhmithe dlí sa chomhrac i gcoinne na sceimhlitheoireachta chomh maith le coireacht thromchúiseach agus eagraithe, gáinneáil ar dhaoine agus smuigleáil imirceach, lena n-áirítear trí fhoirne imscrúdaithe comhpháirteacha.

Ionstraim um Chúnamh Réamhaontachais (IPA): an comhrac i gcoinne na coireachta eagraithe/an éillithe/an cháineadh daoine agus smuigleáil imirceach, forfheidhmiú an dlí a neartú

Tacóidh an Ionstraim um Chúnamh Réamhaontachais le tíortha an mhéadaithe chun coireacht eagraithe agus éilliú a chosc agus a chomhrac agus chun a gcumas forfheidhmithe dlí agus bainistíochta imirce a neartú, lena n-áirítear bainistíocht teorainneacha. Tacóidh sé le comhar maidir le himirce, lena n-áirítear bainistíocht teorainneacha, rochtain ar chosaint idirnáisiúnta a áirithiú, faisnéis ábhartha a roinnt, buntáistí forbartha na himirce a neartú, imirce dhlíthiúil agus saothair a éascú, rialú teorainneacha a fheabhsú agus ár n-iarrachtaí a shaothrú sa chomhrac i gcoinne imirce neamhrialta, gáinneáil ar dhaoine agus smuigleáil imirceach.

Cistí Eile

An Eoraip Dhigiteach: cibearshlándáil

Baineann Clár na hEorpa Digití le claochlú digiteach seirbhísí poiblí agus gnólachtaí. I measc roinnt saincheisteanna eile, tabharfar aghaidh ar chibearshlándáil, toisc go bhfuil sé ríthábhachtach muinín a chinntiú i dtáirgí agus i seirbhísí digiteacha, go háirithe i bhfianaise an leathadh leathan cibearionsaithe. Déileálfaidh an CSI le coireanna atá spleách ar an gcibearshaoil, i.e. coireanna nach féidir a dhéanamh ach trí úsáid a bhaint as gléasanna agus córais teicneolaíochta faisnéise agus cumarsáide, agus coireanna atá cumasaithe ag an gcibearshaoil, i.e. coireanna traidisiúnta, amhail saothrú gnéasach leanaí, ar féidir a scála nó a réim a mhéadú trí úsáid a bhaint as ríomhairí, líonraí ríomhaireachta nó cineálacha eile teicneolaíochta faisnéise agus cumarsáide.

Fís Eorpach: tionscadail taighde a bhaineann le slándáil a eascraíonn as teicneolaíochtaí nuálacha

Tá comhlántachtaí idir CSI agus an Clár Fís Eorpach. Is féidir leis an CSI tacú le gníomhartha a bhaineann le tástáil, bailíochtú, saothrú agus imscaradh na dtorthaí, lena n-áirítear teicneolaíochtaí nua nuálacha, a fhorbraítear ó thionscadail taighde slándála atá maoinithe faoin mbraisle "Slándáil Shíbhialta don tSochaí" de chuid Fhís Eorpach.

Ionstraim Trealamh Rialaithe Custaim: trealamh rialaithe custaim le húsáid freisin le haghaidh comhair póilíneachta agus chun an choireacht thromchúiseach agus trasteorann a chomhrac

D'fhéadfadh trealamh ilchuspóireach, e.g. ceannach scanóir coimeádán, agus trealamh eile chomh maith, titim isteach sa chrios liath. Gá comhordú a dhéanamh leis an Ard-Stiúrthóireacht an Chánachais agus an Aontais Custaim maidir le measúnú bearna/riachtanais.

Sásra cosanta sibhialta an AE: Tairbhe a bhaint as Sineirgí i dtaobh bainistíocht riosca tubaistí, cosc agus ullmhacht.

Ciste Cosanta an AE: Trealamh ilchuspóireach (e.g. aerfheithiclí gan foireann)

SRSP: forluí/sineirgí féideartha i roinnt réimsí amhail radacú, sciúradh airgid, coireacht airgeadais, OSINT chun sceimhlitheoireacht a chomhrac, bainistíocht tubaistí, cibearchoireacht, frith-éilliú, etc.